

CHINESE ...
HARVARD - YENCHING INSTITUTE
AT HARVARD UNIVERSITY
OCT 10 1952

28

T9301/7910

C.2

獸

八十四卷
八十六卷

八十五卷
八十七卷

格致鏡原

二十八

格致鏡原卷八十四

獸類三

馬止

綱論

〔說文〕馬怒也武也象馬頭髦尾四足之形

春

秋說題辭地精為馬

〔易說卦〕乾為馬為良馬為老馬

為瘠馬為駁馬震其於馬也為善鳴為馵足為作足為的頰坎其於馬也為美脊為亟心為下首為薄蹄為曳

〔天中記〕漢書曰漢中四星曰天駟旁一星曰王良王

良策馬車騎滿野元命包云漢中四星曰騎一曰天駟

春秋合成圖曰王良主天馬也〔地鏡圖〕銅器之精見

為馬〔春秋說題辭〕馬十二月而生應陰紀陽以合功

金桃書屋藏



故人駕馬任重致遠以利天下月度疾故馬善走

秋考異郵陰合於八入合陽九入九七十二二為地地

主月月精為馬月數十二故馬十二月而生王者駕馬

故子以王為馬三才圖會馬火畜也火性健決躁速

故易乾為馬乾陽物也故其蹄圓臥先後足起先而足

陽病則陰勝故馬疾則臥淮南子夫馬聾蟲也而可

以通志氣注喻無知也抱朴子山中午日稱三公者

馬也席上腐談馬健物遇逆風而行則健中華古

今注馬自識其駒非其駒則齧齧之說文驚駉馬也

以壬申日死乘馬者忌之漢書禮樂志龍為友注節

吉日唯龍可為之友耳又天馬來龍之媒注應劭曰言

天馬者乃神龍之類今天馬已來此龍必至之效也

漢書刑法志是猶以鞿而御驛突如淳注驛突惡馬也

馬援傳御款段註款段馬名款猶緩也言形段緩也

埤雅馬之族不一驛馬則喜前驚馬則喜後故古之

御者驚馬以鞭為主驛馬以轡為主越莫集馬有馬

黑在臂天中記凡兵事急能致風雨突圍而走者蓋

有赫丹隨身耳赫丹者馬腹中所產之物用之念咒即

致風雨如狗寶牛黃之類淮南萬畢術馬毛大尾親

友自絕註取馬毛大尾置夫婦衣中夫婦自相憎矣

淮南子馬齧截玉朝野僉載被馬咬者以燒鞭鞘灰

塗之蓋取其相服也韓詩外傳顏回望吳門馬兒一

賦類馬

匹練孔子曰馬也然則馬之光景一匹長耳故後人號馬為一匹。〔風俗通〕馬一匹俗說相馬及君子與人相匹或曰馬夜行日明照前四丈故曰一匹或曰度馬縱橫適得一匹或說馬死賣得一匹帛或云春秋左氏說諸侯相贈乘馬束帛帛為匹與馬之相匹耳。〔演繁露〕馬以匹為數自古言匹馬皆一馬也文侯之命有馬四匹不知當時何指韓詩外傳謂馬夜行目光所及與匹練等或曰匹言價與匹帛等不知就是因讀劉勰文心雕龍其說為長曰古名車以兩馬以匹蓋車有佐乘馬有駮服皆以對並為稱雙名既定則雖單亦復為匹如匹夫匹婦之稱匹是也。〔龍改齋漫錄〕左傳昭二十五

年左師展將以公乘馬而歸劉炫謂欲與公單騎而歸此騎馬之漸也。〔羣碎錄〕孔穎達曰古人不騎馬故經典不見至趙武靈王謀胡服騎射以教百姓李牧曰殺牛饗士習騎射始見於此又宋劉炫謂左氏左師展將以公乘馬而歸此騎馬之漸予按古者服牛乘馬馬以駕車不單騎也至六國時始單騎。〔楊慎外集〕古者以馬駕車秦晉韓原之戰惠公乘小駟昭公元年晉荀吳敗狄于大鹵始毀車崇卒而單騎自此始至六國時則盡然矣蘇秦所謂車千乘騎萬匹是也鄭元解周禮大司馬師帥執提云提謂馬上鼓。〔今按〕周禮注提馬上鼓有曲木可提而擊也程伊川解易乘馬班如為人馬異處皆謂單騎如今制

非也文王周公之時何嘗有車騎之說乎
和鹵簿圖有誕馬其制用色帛周裹一方既蓋覆馬脊更不施鞍此其為制必有古傳非意抑矣然各以為誕則其義莫究也蔡攸輩雖加辨釋終不協當按通典宋江夏王義恭為孝武所忌憂懼故奏華諸侯國制但馬不得過二其字則書為但不書為誕也但者徒也徒馬者有馬無鞍如人袒裼之袒也
〔吹萬集〕駢不鞍而騎也
〔玉堂叢語〕明文廟北征金幼孜墜馬鞍裂楊文敏以所乘馬讓之白乘驛馬
〔文昌雜錄〕軍中以端午走馬謂之躡柳
〔躡音〕席上腐談馬痛死者不可食食之殺人而肝為甚醫書云馬六畜也有肝而無膽木賊不

足故食其肝者死
〔抱朴子〕按九鼎記及青靈經言人物之死俱有鬼也馬鬼常以晦夜出行狀如炎火
〔雜〕
〔祖〕馬鬼名賜
〔東觀漢記〕馬援於交趾鑄銅馬奏曰臣聞行天者莫如龍行地者莫如馬臣援師事楊子阿孝武帝時善相馬者東門京鑄作銅馬法獻之立馬於魯班門外更名曰金馬門臣既備數家骨法以所得駱越銅鑄以為馬高二尺五寸圍四尺五寸謹獻詔置德陽殿下
〔研北雜志〕漢銅馬式藏周公謹家其初破為數段鑄工以藥錐柵之復完如新
〔史記〕諸名山川用駒者悉以木偶馬代之
〔南史齊本紀〕後主始欲騎馬未習其事俞靈韻為作木馬人在其中行動進退隨意所

適其後遂善駢

詳類 [說文]馬一歲曰騊二歲曰駒三歲曰駟八歲曰

駵高六尺曰驕七尺曰駮八尺曰龍 [爾雅]馬八尺為

駮 [考工記]國馬之軌深四尺有七寸田馬之軌深四

尺 [鄭注]國馬高八尺田馬高七尺 [埤雅]馬八歲曰駵

馬八歲一變故从八也語曰七驄八白言馬至八歲驄

變而白矣 [爾雅]玄駒裏驂 [註]玄駒小馬別名裏驂耳

或曰此即驥 裏古之良馬名 [爾雅]青驪驪 [註]今之鐵

驄 [爾雅]青驪驪 [註]色有深淺斑駁隱濼今之連錢

驄 [爾雅]驪白雜毛騊 [註]今之烏驄 [爾雅]黃白雜毛

駵 [註]今之桃花馬 [爾雅]陰白雜毛駟 [註]陰淺黑今之

泥驄 [爾雅]彤白雜毛駵 [註]即今之赭白 [爾雅]四

蹄皆白首 [註]俗呼為踏雪馬 [爾雅]白達 [縣註]素鼻

莖也俗所謂漫體徹齒 [爾雅]馬後足皆 [名獅] [漢

書郊祀志]牲用駟駒 [注]駟赤馬黑鬣尾也 [郭子章]馬

記黃馬黑喙曰駟今之淺黃色馬也宋明帝以駟字旁

似禍改作駵史稱文帝駟馬脊有肉鞍行則先作弄四

足 [埤雅]爾雅曰的穎白穎今之帶星馬也馬政論曰

穎有白毛謂之的盧又曰準上有旋毛及白毛者謂之

的吻凶俗云的顛非也 [埤雅]爾雅曰白馬里鬣 [加廣

雅]曰白馬朱鬣駵今呼黃馬尾鬣一道通黑如界 [白馬

駵蓋馬無分於黃白皆謂之駵若今衣脊絡縫故曰駵

駵

也。[埤雅]驛馬常小今俗謂之小馬驪馬白跨曰驪黃
 白日皇純黑曰驪黃驛曰黃蒼白雜毛曰驪赤黃曰驛
 青黑曰驪青驪驛曰驛黑身白鬣曰額豪併曰驛一日
 白日魚魚今謂之環眼馬馬之最下者也。[格物總論]
 馬武獸種族最繁駃青馬駃青驪繁鬣馬驪青白雜毛
 馬駃朱色馬駃紫色馬駃馬如鐵赤黑色駃黃脊黑喙
 馬駃與驪驪馬黃脊驪驪馬黃脊驪白馬黑脊驪駃皆
 馬白額驪白額至唇駃驪馬白腹驪四蹄皆白鬣馬後
 左足白驪馬尾本白驗白馬黑唇驪白額馬駃驪白
 馬駃馬一目白驪淺黑色驚亦黑色馬駃黑馬白之驪
 馬黑唇駃馬口黑凡此類者皆以色別之也。[羣書考

索凡馬毛色之別九十一種此撥之別八紅耳鶯鶯桃
 花丁香青驪榆紫驪青之別二純青護蘭白純白鳥之
 別五純烏鈞星歷面白脚護蘭赤之別五純赤鈞星歷
 面白脚護蘭紫之別六純紫鈞星歷面白脚綠鬃護蘭
 驪之別十一白驪鈞星歷面白脚綠鬃護蘭驪之別十
 一白驪鈞星歷面白脚并烏青花黃在鐵護蘭赤白之
 別五純赭白鈞星歷面白脚驪之別六純驪縹薄鈞星
 歷面白脚護蘭驪之別五純驪鈞星歷面白脚護蘭驪
 之別六純驪縹薄鈞星歷面白脚護蘭驪之別七赤驪
 銀鐘驪之別七赤驪銀鐘黃鈞星歷面白脚護蘭驪之
 別三駃起雲北馬

以此撥青白紫純色及綠鬃驢為土驄赤驃白赤色
為中在踰驄駱駝為下爾雅翼驢宜於牧故釋

黑尾如六駿取獸中六駿武健者為名藻林馬高七

尺曰蚌文選方玄蚪之奕奕爾雅翼驢宜於牧故釋

獸稱驢牝驢牡立駒裏驂蓋言以驢為牝以驢為牡而

生玄駒則為裏驂也爾雅翼驢赤馬黑驢明堂月令

五時登馬而駢處其三春蒼龍秋白駱冬錢用赤

駢中央用黃驢中央寓於季夏故所用物而以色之

淺深為之別也史記冒頓圍高祖於平城所騎西方

盡白馬東方盡青龍北方盡烏驢南方盡驢馬乘黃之馬



漢禮樂志舜時景星出房地出乘黃之馬

王元長序夏后兩龍載驅璿臺之上注夏后啓有馬號

為兩龍乘游璿臺以饗諸侯呂覽伊尹說湯曰天子

須青龍之疋遺風之乘注皆馬名也馬行疾每在風前

故遺風於後也汲冢書伊尹為四正令正北請令以

野馬駒駮駮駮為獻馬記山海經曰北海內有獸狀

如馬名駒駮色青故馬之良者取以為名駮駮生三日

而超其母庶物異名疏牝靡馬名趙津女媚對簡子

日妾聞昔者湯伐夏左驂牝驢右驂牝驢而遂放桀武

王伐殷左驂牝驢右驂牝驢而遂克紂主君不欲渡則

已與妾同舟又何傷乎太公六韜商王拘周伯昌於

姜里太公與散宜生以金千鎰得犬戎氏文馬駮身朱

鬣日如黃金項如鷄尾各曰鷄斯之乘以獻商王
 書王會周公且主東方所之青馬黑顛謂之母兒注馬
 名周書犬戎之馬赤鬣白身目若黃金名曰古音黃
 之乘成王時來獻列子周穆王命駕八駿之乘右服
 蕭音驪而左綠耳右驂赤驥而左白音縶音次車之乘右
 服渠黃而左踰輪左驂盜驪而右山子穆天子傳天
 子命駕八駿之乘右服蕭音驪而左綠耳右驂赤音驥
 而左白音縶音天子主車造父為御音銜音銜音為右次車
 之乘右服渠黃而左踰輪右盜驪而左山子相天在車
 參百為御奔戎為右東遊於黃澤宿於西洛歌曰黃之
 池其馬歎沙皇人威儀黃之澤其馬歎玉皇人壽穀郭

註北唐之君來見以一驪馬是生綠耳八駿皆因其毛
 色而名拾遺記周穆王馭八龍之駿一各絕地足不
 踐上二名翻羽行越飛禽三名奔宵夜行萬里四名越
 影逐日而行五名踰輝毛色炳耀六名超光一形十影
 七名騰霧乘雲而奔八名挾翼身有肉翅遞而駕焉按
 響徐行以匝天地之域楊慎外集八駿之名見於列
 子而他書所載互有不同蕭驪漢書作華驪唐人名紫
 驪今日棗驪綠耳一作綠驪又作綠耳赤驪又作赤驪
 宋世名好頭赤白縶縶古縶字形似牛渠黃一作駟驪
 又名翠黃又名警黃踰輪蜀都賦所謂魚文也馬曰如
 魚劉邵賦蓋如飛鶴馬似游魚山子又作山子今之五

明馬又名玉頂又名叱撥又名玉抱肚又名花抱肚太
白詩所謂五花馬也古以為奇今以為忌曰破面孤蹄
鬼也不騎劉先主之的盧亦是此種的白也猶白頸烏
曰的腹烏盜驪一日溫驪今之鐵青色荀子作鐵離又
作淺驪盜驪言少竊驪色猶九扈名竊玄竊黃也又作
駒栗驪栗色也後代轉名駒駝庶物異名疏劉氏音
義云盜驪竊驪也竊淺青色入駿既因色名竊驪為得
之也按驪純黑色聊竊驪之色故曰淺青為竊驪也爾
雅疏謂竊即古淺字柳宗元八駿圖說周穆王八駿
後之好事者為之圖其狀甚怪咸若騫若翔若龍鳳麒
麟若螳螂然楊雄河東賦注翠龍穆天子所乘馬也

管子桓公乘馬虎望見而伏公問管仲對曰意者若
乘駿馬而游桓迎日而馳乎公曰然管仲曰此駁象也
駁食虎豹故虎疑焉左傳唐成公有兩驥驥馬左
傳昭二十九年衛侯來獻其乘馬曰啓服注啓服馬名
古今注秦始皇有七名馬一追風二白兔三躡影四
追電五飛翾六銅雀七晨鳧史記項羽駿馬名騅常
騎及敗於垓下乃歌曰時不利兮騅不逝漂粟手贖
呂后時冬月見未央宮前有一紫燕后以為不祥使侍
中陳當時逐之飛入殿內不得出值北馬方仰首而嘶
遂飛入其口中便有紫雲覆於馬首頃之而滅當時奏
狀后異之詔有司專視此馬後生駒日馳數百里因號

曰紫燕。西京雜記文帝自代還有良馬九匹皆天下之駿也。一名浮雲。一名赤電。一名絕羣。一名逸驃。一名紫鷲。驃一名綠螭。驃一名龍子。一名麟駒。一名絕塵號。為九逸。漢書李廣利為貳師將軍伐大宛國得汗血馬名蒲梢。作天馬之歌。西域贊孝武之世蒲梢龍文魚目汗血之馬充於黃門。注孟康曰四駿馬名一云大宛馬虎脊魚目龍文鳳頸尾如蒲梢。西河舊事漢武帝聞大宛有天馬遣李廣利伐之始得此馬有角為奇故漢武為賦天馬之歌胡馬感北風之思逐頓羈絕絳驥首而馳晨發京城食時至燉煌北塞山下嘶鳴而去。張騫傳西域傳云大宛國別邑七十餘城多善馬馬

汗血言其先天馬子也漢書云初天子發書易云神馬當從西北來得烏孫好馬名曰天馬及得宛汗血馬益壯更名烏孫馬曰西極馬宛馬曰天馬云神異經西南大宛宛丘有良馬其大二丈鬣至膝尾委於地蹄如汗腕可握日行千里至日中而汗血乘者當以綿絮纏頭腰小腹以避風病其國人不纏也宋膺異物志大宛馬有肉角數寸隋西域圖記大宛馬驪馬烏馬多赤耳黃馬赤馬多黑耳惟耳色別自餘毛色與常馬不異中馮奉世傳宣帝時至大宛得名馬象龍而還師古注言馬形似龍者玄黃經大宛馬肉可以為脯注血凝於器者可食味美美食之使人健行人善升魏志

漢國果下馬漢桓時獻之注高三尺乘之可於菓樹下
 行曹瞞傳呂布有駿馬名赤兔人語曰人中有呂布
 馬中有赤兔庶物異名疏莊子曰齊之以月題蓋月
 題額上當顛如月者所以象顛之白易曰其於馬也為
 的顛蓋震二陰在上故為的顛即的盧也乘之妨主馬
 之貴者的吻相馬經馬白額入口者名榆馬一名的盧
 奴乘客死主乘棄市按蜀志先生乘的盧至檀溪墜水
 備急呼曰的盧何不努力遂一躍五丈乃得過則的盧
 吉馬也寰宇記張飛有馬號玉追時歌曰人中有張
 飛馬中有玉追魏書張繡降而復反曹操所乘馬名
 絕影為流矢所中魏文帝與孫權書繳驪馬朕常所

自乘甚調良善走數萬匹之極選乘之真可樂也中國
 雖饒馬其知名絕足亦時有之耳獨異志魏曹彰性
 倜儻偶逢駿馬愛之其主所惜也彰曰余有美妾可換
 惟君所選馬主因指一妓彰遂換之馬號曰白鶻穆
 天子傳注魏時鮮卑獻平里馬白色兩耳黃名曰黃耳
拾遺記曹洪武帝從弟有馬號曰白鶻此馬走時惟
 覺耳中風聲足似不踐地數百里瞬息而至濟水足毛
 不濕時人謂乘風而行一代神駿也諺曰憑空虛躍曹
 家白鶻一作白鶴中華古今注曹真有駿馬名為驚帆言
 其馳驟如烈風舉帆之疾竹林七賢論王戎好乘巴
 驢馬吳郡疏支遁好乘馬其最愛者名曰頻伽嘗飲

頻伽於橋下馬渡處忽生蓮花人異之故名橋曰飲馬

南史晉安帝義熙九年高麗獻赭白馬渚宮舊事

司馬休之奔廣固慕容超欲害之休之不知常所乘騅

馬於牀前忽連鳴不食注目視鞍因試騎視裁出門外

便奔而馳行十里顧望所住已有收兵至矣乘馬南奔

殆而獲免後還荆州加騅馬揚武之號晉載記苻堅

時大宛獻天馬千里駒皆汗血朱鬣五色鳳膺麟身命

羣臣作止馬詩而遣之示無欲也晉穆帝紀姚襄為

秦將黃眉所敗襄所乘馬曰鷲眉騅日行千里是戰也

而馬倒秦兵擒而斬之水經注老宿諺言赫連之世

有駿馬名曰白口騅晉載記冉閔所乘赤馬曰朱龍

日行千里北史昔慕容廆有駿馬赭白有奇相逸力

至雋光壽元年四十九矣而駿逸不虧雋奇之比鮑氏

驄命鑄銅以圖其像親為銘贊鐫頌其傍像成而馬死

矣南齊書楊玉夫殺蒼梧王太祖夜從承明門乘常

所騎赤馬入殿內驚怖既知蒼梧王死咸稱萬歲及太

祖踐祚號此馬為龍驤將軍世謂為龍驤赤小說梁

武帝有良馬名照殿玉獅子魏志突厥大畏長孫總

管稱其馬為閃電伽藍記後魏河間王元琛在秦州

遣使向西域求各馬遠至波斯國得千里馬號曰追風

赤驥次有七百里者十餘匹皆有名字以銀為槽金為

環鑲諸王服其豪富北史王邵傳隋文帝所乘騊駼

馬脊有肉鞍隋書隋煬帝令李景營遼東戰具於北平賜御馬一匹名獅子驄朝野僉載隋文帝時大宛國獻千里馬駿曳地號曰獅子驄上置之馬羣陸梁人莫能制郎將裴仁基曰臣能制之遂攘袂向前去十餘步躡身騰上一手撮耳一手握目馬戰不敢動乃跨乘之朝發西京暮至東洛隋末不知所在唐文皇勅訪之同州刺史宇文士及得於朝邑市麵家挽磴駿尾焦禿皮肉穿穴及見之悲泣帝自出長樂坡馬到新豐向西鳴躍帝甚喜齒口並平飼以鍾乳仍生五駒皆千里足也後不知所在回紇傳唐太宗時東骨利幹國產良馬首似橐它筋鬃壯大日中馳數百里太宗時來其大

曾侯斤因使者獻之帝取其異者號十驥皆為美名曰騰霜白曰皎雪驄曰凝露驄曰懸光驄曰決波驄曰飛霞驄曰發電赤曰流金驄曰翔麟紫曰奔虹赤厚禮其使酉陽雜俎骨利幹國獻馬名決波驄者近後足有距樂志唐太宗破竇建德乘馬名黃驄驄命樂工製黃驄疊曲金石錄太宗六馬其一曰拳毛騮黃馬黑喙平瀏黑鬣時所乘其二曰什伐赤純赤色平世充建德時所乘其三曰白蹄烏純黑色四蹄俱白平薛仁果時所乘其四曰特勒驄黃白色喙微黑色平宋金剛時所乘其五曰颯露紫驄平東都時所乘其六曰青驄蒼白雜色平竇建德時所乘馬記唐開元十二年太

原獻異馬駒其耳如筒左右各十六肋肉尾無毛二十
 九年滑州刺史李邕獻馬一匹肉鬣麟腮嘶不類馬聲
 日行三百里名曰龍子〔秦再思紀異錄〕天寶中大宛
 國進汗血馬六匹一日紅叱撥二日紫叱撥三日青叱
 撥四日黃叱撥五日丁香叱撥六日桃花叱撥上乃製
 各一日紅玉輦二日紫玉輦三日平山輦四日凌雲輦
 五日飛香輦六日百花輦復命圖於瑤光殿乃改為觀
 驥殿〔名畫要錄〕開元內廐有飛黃照夜浮雲五花之
 乘〔明皇雜錄〕上所乘馬有玉花驄照夜白〔異聞錄〕
 唐寧王善畫馬花萼樓壁上有六馬滾塵圖明皇最愛
 下而花驄風騷雲鬣纖悉備具後失去止存五馬〔柳

宗元龍馬贊明皇在位靈昌郡得異馬於河其狀龍麟
 虺尾拳毛環目肉鬣居帝闕二十年遇禍亂帝西幸焉
 至咸陽西入渭水化為龍游泳而去不知所終〔續博
 物志〕千里馬寧遠所獻髮拳紫色狀如八駿謂之紫驃
 乘者必衣裘冒絮似胡兒抱持初馳三十里則皆旁側
 難馴又馭三十里外乃駛然而去唯聞耳傍風聲如飛
 箭唐肅宗時令李泌乘之往按保定早發扶風辰達保
 定申歸奏事〔杜陽雜編〕唐代宗廣德初范陽節度李
 德山所貢九花虬額高九寸毛拳如麟頭頸鬣鬣真虬
 龍也每一嘶則羣馬聳耳以身被九花文故號為九花
 虬後以賜郭子儀貞元中上西幸有二馬一號神智驄

古今類事 卷之八 四獸類 古名馬

一號如意。驪皆耳中有毛引之可長一尺。相馬經云耳中有毛長一

尺者日而進退緩急皆如上意故謂之功臣。國史補

德宗幸梁唯御驪馬號曰望雲。驪駕還飼以一品料。暇

日幸而視之必長鳴四顧若感恩之狀。元稹長慶集

德宗以八馬幸蜀七馬道斃惟望雲驪來往不頓。馬

記唐貞元中南詔獻統倫馬。酉陽雜俎唐秦叔寶所

乘馬號忽雷。駿常飲以酒。每於月明中試能登越三領

黑氈及胡人卒嘶鳴不食而死。清賞錄李白有馬名

黃芝。畫墮韓幹八馬圖二奚官引連錢驄。天中記

荆南節度使衛伯玉有馬名玉腕驪。廣異記唐鄭駟

有馬曰撒豆驄。梁史太祖以愛馬一文鳥賜寇彥卿

五代史劉晏據太原與莽丹約為父子契丹以黃驪

馬為聘後與周世宗戰高平敗獨乘黃驪以歸遂與黃

驪治廐飾以金銀食以三品料號自在將軍。清異錄

魏王繼岌奉命伐蜀王衍苑馬數百皆逸足也繼岌猶

比選之得二十許匹格價不可言其名曰麝香驢錦耳

驪駱十二。赴日驄偏界玉。陷水驢長命驢孫兒驄籠菘

白。八百匹。掠地雲錦地龍。雪面娘。月影三。玉尾驢撒沙

驪。天花落旋風白。率地嬌六八金。清異錄王承傾金

錢市名馬凡得五匹各有位號曰金鞍使者。千里將軍

致遠侯。渥洼郎。驥國公。清異錄吉祥座。杜重威馬也。

餘辨林景延廣馬也。灑水燕談宋太宗朝府州折御

灑水燕談宋太宗朝府州折御

鄉貢馬特異格不甚高而日行千里口旁有碧紋如雲
霞因目曰碧雲霞 [玉壺清話] 宋太宗御廐馬號碧雲
霞圍人飼秣稍跛倚失恭則蹄齧吼噴怒不可解從征
太原上下坂岡其平如砥下則伸前而屈後登高則反
之太宗甚愛上尊餘瀝時或令飲嘶鳴喜躍 [梅堯臣
序碧雲] 駮者廐馬也莊憲太后臨朝以賜荆王王惡其
旋毛太后遂留以借上閑遂為御馬第一以其物肉色
碧如霞片故號之 [邵氏聞見錄] 仁宗御馬名玉逍遙
色白乘之如輿輦圍人云馬行步有尺度疾徐皆中節
御者行速則以足攔之 [李伯時天馬圖跋] 一匹元祐
元年十二月十六日右驥驥院收于闐國進到鳳頭驄

八歲五尺四寸右一匹元祐元年四月初四日左驥驥
院收董氈進到錦膊驄八歲四尺六寸右一匹元祐二
年十二月廿三日於左天駟監揀中泰馬好頭赤九歲
四尺五寸一匹元祐三年閏月土元日沮溪進照夜白
[孔氏談苑] 神宗有馬名小烏曾以曾太后所送珠鞍
於福寧殿親試之 [楓窗小牘] 徽廟常乘驄馬至太和
宮前忽宣平日所愛小烏其馬至御前馬足不肯進左
右鞭之益鳴跳不如調馴時圍人進曰此願封官耳上
曰猴子且官供奉况使小烏白身邪初賜龍驤將軍然
後帖然就轡 [研北雜志] 梅聖俞有馬名鐵額 [宋史
曲端有馬名鐵象日馳四百里] [韋氏妻梅欄詩話] 姚

興有馬名青獅每親飼之若通其語言時取斗酒投大盆中與馬同飲曰吾與汝同力襄國勳與中竟與馬同死於金主亮尉子橋之戰（戒菴漫筆）吳興華再遇字德卿宋南渡時屢立戰功嘗騎一黑馬翹俊異常號黑大蟲再遇甚愛之再遇卒其家以鐵錘轟之聞金鼓聲奮迅有赴敵意家人曰將軍死汝真在事馬變動在然出淞哀鳴數聲而斃（岳珂程史）淳熙間宿松叛民汪華有三馬號惺惺驕小驄驃番婆子其甚（志林）秦州進一馬鬃如牛領垂胡側立鬣倒毛生肉端蕃人云此肉驂馬也（宋名臣言行錄）西夏有素酋號青面夜叉有駿馬曰赤駝為李顯忠所擒（程史）金主完顏亮嘗

所御小驂號小將軍（山堂肆考）元世祖時于闐國獻馬一曰二龍一曰鳳頭一曰花滿川（霏雪錄）大德十年西域貢千里馬其馬食肉每旦必以羊肉酥油沙糖胡椒和飯秣之趙孟頫於杭州館中見之（事物紀原）洪武初夏明昇獻良馬十其一白者得之貴州龍坑長丈一尺頭高九尺足高七尺有肉隱起項下約厚五分廣三寸餘貫膺絡股至尾闕止精采明晃振鬣一鳴萬馬辟易馳如躡雲賜名飛越略又名撞倒山（庶物異名疏）正統四年六月西域撒馬兒罕遣使進良馬色玄蹄額皆白賜名瑞頰詔畫史圖之（方洲雜言）先朝西域貢馬高九尺餘頸與身等昂舉若鳳今京師人家多

存畫本景泰末西域進白馬高如之頸亦類焉後足脰
 節間有二距毛中隱若鱗甲留青日札玉麟飛白玉
 駒碧玉橋照夜璧銀河練瑤池駿飛雲白皆嘉靖時天
 閑之選乘也尸子我得民而治則馬有紫燕蘭池秀
 騏逢騄孫卿子騏驎織離古之良馬也廣雅馬屬
 飛黃騶吾吉量朱駿飛兔金喙騶裏走狐馱騄飛鴻野
 麋腹丹騏驎騄騑騑汗血驪騶巨虛騶鹿馬
 賦其名則汗血山子桃騄綠耳金喙騰黃騶吾吉光蒲
 稍破服野麋蛾鹿白蟻鷄斯蜚鴻母兒遺風騶裏茲白
 織驪馬記古之名馬有曰六駿者曰騶虞者曰騰黃
 者曰飛兔者曰麒麟者六駿者必其白身黑尾如獸之

六駿者也騶虞者必其白質黑文如獸之騶虞者也騰
 黃者必其編身朱鬣如獸之騰黃者也飛兔者必其雁
 然而蒼者也麒麟者必其粹然而黃者也非馬之有六
 駿騶虞飛兔騰黃麒麟也乃馬之似六駿騶虞騰黃飛
 兔麒麟也漢書王褒傳駕騶注良馬低頭口至鄰
 故曰騶漢百官表昆駮令丞注昆駮好馬名也爾
 雅曰騶蹄踞善陞駮注駮上大下小騶蹄蹄如踞而健
 上山秦時有騶蹄苑神異經大宛有良馬鬣至膝尾
 垂於地名曰簫稍謂尾之長者簫稍然搖動可起朔風
 庶物異名疏駮龍紫鹿文的躡魚皆馬名見陳琳武
 庫賦劉琨馬賦吾有駿馬名曰騶雄龍頭鳥目麟腹

虎胸尾如雲。豨耳如插筒。庶物異名疏。綠虵良馬名。
見顏延之赭白馬賦。綠蛇衛轂。百六帖。齧雪飛黃中。
黃驥子。孟馬名。

格致鏡原卷八十五

獸類

馬下

相馬法

莊子吾相馬直者中繩曲者中鈎方者中矩

圓者中規是國馬也而未若天下馬也天下馬者若亡

若失若喪若一若是者超軼絕塵不知其所呂氏春

秋吾之善相馬者寒風氏相口齒麻朝相頰子女厲相

目衛忌相髭許鄙相脰投伐裼相胸脇管青相臍胸陳

悲相股脚秦牙相前贊君相後伯樂相馬經馬頭為

王欲得方目為丞相欲得明脊為將軍欲得強腹為坡

郭欲得張四下為令欲得長眼欲得高匡眼睛欲得如

懸鈴紫艷光眼下懸蠶懸鑿欲得成鼻孔欲得大鼻頭
欲得有王火字口中欲得赤膝骨欲圓而張耳欲相近
而豎小而厚伏龍骨欲得成頸欲得長雙跌欲得大而
突蹄欲得厚腹下欲得平有八字尾骨欲得高而垂
埤雅舊說相馬眼欲得有紫艷口欲得有紅光上唇欲
得緩下唇欲得急上齒欲鉤鉤則壽下齒欲鋸鋸則怒
耳欲如劈竹睛欲如懸鈴頭欲高如剝兔項欲起如飛
龍又曰人眼鳥目鹿背麟腹虎胸龜尾擎頭如鷹垂尾
如豎又曰望之大就之小筋馬也望之小就之大肉馬
也前視見目傍視見腹後視見足駿馬也毛束皮皮束
筋筋束肉肉束骨五者兼備天下之馬也又曰口中紅

白間色者壽鼻中紅色如米點書者壽眼中赤色如字
形者壽齊民要術相馬五藏法肝欲得小耳小則肝
小肝小識人意肺欲得大鼻大則肺大肺大則能奔心
欲得大目大則心大心大則猛利不驚目四滿則朝暮
健腎欲得小腸欲得厚且長腸厚則腹不廣方而平脾
欲得小廉腹小則脾小脾小則易養致瘦欲得見其肉
謂前肩守肉致肥欲得見其骨頭骨謂馬龍顛突目平脊大腹
勝重有肉此三事備者亦千里馬也水火欲得分水火
兩孔也上唇欲急而方口中欲得紅而有光此馬千里領
下欲深下唇欲緩牙欲去齒一寸則四百里牙劍鋒則
千里嗣骨欲廉如織杼而闊又欲長入骨是目欲滿而

澤眦欲小上欲弓曲下欲直素中欲廉而張素鼻上陰中
欲得平下股主人欲小近前也陽裏欲高則怒股中上額
欲方面平入肉欲大而明耳玄中欲深近牙耳欲小而
銳如削筒相去欲促懸欲戴中骨高二寸骨中易骨欲
直下骨也頰欲開赤長膺下欲廣一尺以上名曰扶作
扶尺能久走鞅欲方頰喚欲曲而深胸欲直而出脾間
鼻間欲開望視之如雙鳧頸骨欲大肉次之髻欲桎而
厚且折季毛欲長多覆肝肺無病髮後背欲短而方脊
欲大而抗膂筋欲大夾脊飛鳧見者怒三府欲齊
雨鬚及尻欲頽而方尾欲減本欲大脇肋欲大而窄名
曰上渠能久走龍翅欲廣而長升肉欲大而明脾外輔

肉欲大而明前脚腸欲充腔小膝季肋欲張薄欲
厚而緩腔虎口欲開股腹下欲平滿善走名曰下渠日
三百里陽肉欲上而高起脾外髀欲廣厚汗溝欲深明
直肉欲方能久走肉也輸一作鼠欲方直肉膈肉欲急
解裏間筋欲急短而減善細走下輸機骨欲舉上曲如
懸匡馬頭欲高距骨欲出前間骨欲出前後外鼻臨附
蟬欲大前後目夜股欲薄而博善能走後髀臂欲長而
膝本欲起有力前脚膝肘後欲開能走膝欲方而庠髀
骨欲短兩肩骨欲深名曰芙蓉怒蹄欲厚三寸硬如石
下欲深而明其後開如鷓翼能久走相馬經相馬之
法先除三羸與五驚乃相其餘大頭小頸一羸也弱脊

大腹二羸也小頸大蹄三羸也大頭緩耳一駑也長頸
 不折二駑也短上長下三駑也大體短脅四駑也淺體
 薄體五駑也廻毛在目下名曰承淚不利人也口中有
 墨曰烏銜馬短壽脊欲如伏龜兩邊有廻毛曰騰蛇殺
 主國憲家獸口中色如日月光者行千里相馬經
 馬生下墮地無毛行千里尿舉一脚行五百里蘭筋豎
 者千里馬膝如團麴千里馬一歲上下齒二十四歲齒
 黃三十四歲齒落不復出法苑珠林佛說馬有八態
 一態者解羈韁時便掣車欲走二態者車駕跳梁欲嚙
 其人三態者便舉前兩脚掣車而走四態者便踢車鈴
 五態者使人立持軛摩身抄車却行六態者便傍行斜

走七態者便掣車馳走得值濁泥止住不行八態者懸
 甕餒之熟視不食其主牽去欲駕之時遽含嚼啞飲食
 不得國憲家獸馬四年而兩齒五年而四齒六年而
 六齒成矣七年而右一齒缺八年而上下兩邊各一齒
 缺九年而上下盡缺十年而下兩齒齟十一年而下四
 齒齟十二年盡齟十七年上四齒齟十八年盡齟十九
 年上兩齒平二十年上四齒平年之長少惟馬齒最準
 故人自謙曰犬馬之齒長矣齒音舅齒如白也
西陽雜俎馬體名有輪鼠外鼻烏頭龍翅虎口猪槽飼馬石灰泥槽
 汗溝繫門三事落駒廻毛在頸白馬黑馬鞍下腋下廻
 毛在脇白毛左右後足白白馬四足黑目下橫毛黃馬

白喙旋毛在吻後汗溝上通尾本日赤曉亂及反曉白
 馬黑目目白却視並不可騎夜眼名附蟬戶府各縣峰
 亦曰雞舌 [相馬經]目成人者行千里 [注]視童子中人
 頭足皆見 [馬記]柳子晉問曰晉國名馬堅骨鬪筋注
 一筋從之_中出謂之鬪筋_中謂目上痕如井字鬪筋
 豎者千里 [李燾長編]元祐中西域貢馬龍顛而鳳膺
 虎脊而豹章振鬣長鳴萬馬皆瘖 [爾雅疏]旋毛在腹
 下如乳者千里馬也旋毛在肘後者名滅陽幹脅也旋
 毛在脅者名蕩方旋毛在背者名鬪廣 [全雅]馬之駿
 者鬪皆射前足 [東觀漢記]聞武帝歌天馬治赤汗今
 親見其然血從前鬪上小孔中出 [漢書]烏秬國出小

步馬 [注]孟康曰種小能步也師古曰小細也細步言其
 能蹠足即今所謂百步千跡者也豈謂其小種乎 [集
 異說]寧王得二馬其一價一千緡一五百緡坐客觀之
 不相上下莫測其價之懸殊寧王令驗之馳驅數四乃
 顧于緡者曰此馬緩急百返蹄下不起緡塵復顧五百
 緡者曰此馬往來十過足下頗生塵埃以此而共高下
 焉 [淮南子]日之行也不見其移也騏驎背日而馳草
 木為糜懸峰為溥而日在其前矣 [注]懸擊馬蹄下雞舌
 也 [海客]曰談子過其父為跨竈解者紛紛聞邊檄中
 相馬者言馬前蹄之上有兩空處名曰竈門凡善走之
 馬前蹄之痕印地則後蹄之痕反在前蹄之先故軍中

人謂之跨過竈門本草綱目馬夜眼在馬足膝間有此眼能夜行故名凡卒死尸厥用白馬前膝夜日二枚白馬尾十四莖合燒為末以苦酒丸如豆粒湯灌下二丸即甦

產馬處 山海經罷羞之山多馬 山海經夸父之山

北有林焉名曰桃林中多馬造父於此得驥驪耳之乘獻周穆王 寰宇記晉石樓有屈產泉相傳昔有白

馬母飲茲泉生得龍駒春秋曰晉屈產之乘蓋此地生

良馬也 武帝紀元狩二年夏馬生余吾水中在朔方

北元鼎四年秋馬生滹沱水中注南陽新野有暴利長

當武帝時遭刑屯田燉煌數於此水傍見羣野馬中有

奇者與凡馬異來飲此水利長先作土人持勒絆於水傍後馬既玩習之遂持勒絆收得其馬獻之欲神異此

馬云從水中出 述異記漢樂浪郡出果下馬高三尺

虞衡志德興產果下小駒以灑水者為最高不踰三

尺駿者有兩脊骨 孔六帖磨鄰有千里馬傳為龍種

洽聞記洛馬港疎水流也漢時有馬數百匹出其中

馬形皆小似巴滇馬遂名其孔為馬穴初得此馬乘出

沔水上浴之遂各其處曰洛馬灑沔輒宿今名駒亭三

國時陸遜攻襄陽又值此穴中有馬十匹遂載還建業

杜陵集山東產健馬下者日馳二百里所以兵常當

天下 資暇錄成都府出小駒以其便於難路號為蜀

馬今宣城郡亦有小馬時人皆呼為宣州蜀馬語習不
 悟良可笑焉有似中宗時時人呼姚丞相為陝州吳兒
 同州桂 羣書考索凡馬以生於黃河之中子河波者
 磨亦然 為善種出環慶者次之秦渭馬雖骨格高大而蹄薄多
 病文雅諸州為下止給本處兵給充鋪馬契丹馬骨格
 頗劣河北孳生者曰本羣馬因其水土服習而少疾又
 泉福州及興化軍亦有州嶼馬皆低弱不堪披甲惟以
 給本道廂軍及江浙諸處鋪馬用之 馬記緒興七年
 五月廣右進出格馬十匹上甯其一餘付殿前司上曰
 馬之良者不必西北 華陽國志滇池縣有澤水周廻
 二百里所出深廣下流淺狹似如倒流故俗曰滇池長

老傳言池中有神馬與家馬交則生駿駒世稱滇池駒
 日行五百里 一統志瀧水縣出者為最高不踰三尺
 駿者有兩脊骨號雙脊馬健而能行 海槎餘錄馬產
 於海南者極小只可作之驢騾而身稍長耳毛片不殊
 于中州當少剪鬃時極駿可愛然騎駛則無長力士等
 價可四兩尋常價不出二兩 南蠻傳越睽之西多薦
 草產善馬世稱越睽駿始生若羔歲中經沙糜之飲以
 米泔七年可御日馳數百里 一統志龍馬泉在西和
 縣每春夜牝馬飲泉自然懷駒初無毛色以氈裹之經
 數月生毛不三歲與大宛馬同 崔鴻十六國春秋驍
 騎將軍呂光封西域王上疏曰唯龜茲據三十六國之

中天驥龍驤駿良丹毫萬計盈廐雖伯益更生衛賜復
出不能辨也隋書吐谷渾有青海周迴千餘里中有
小山其俗至冬輒放牝馬於其上言得龍種嘗得波斯
羣馬放入海因生驄駒日行千里故時稱瀚海驄馬
回紇傳黠戛斯古堅昆國也畜馬至壯大以善鬪者為
頭馬癸辛雜志西域有馬高丈餘人皆行於馬腹下
往來無碍太平廣記吐火羅國波訓山陽石壁上有
一孔恒有馬尿流出至七對平且石崖間有不闔道便
不見至此日厭嗟人取草馬置池邊與集生駒皆汗血
日行千里今名無數頗烈隨西域中浴須臾即回天
中記朝鮮有麒麟窟在平壤府浮碧樓下東明王養麒

騰馬處也世傳王乘麒麟馬入窟從地中出朝天石开
天至今石上有馬迹



周禮馬質禁原蠶注原再也天文辰為馬蠶書

蠶為龍精月直大火則浴其種是蠶馬同氣物莫能兩

大禁再蠶者為傷馬歟禮月令季春合鬯牛騰馬游

牝于牧註騰馬方春通淫乘匹故超騰使牡就牝欲孳

生蕃也禮月令仲夏游牝別羣則繫騰駒注季春妊

孕已遂故仲夏不使同羣拘繫騰躍之駒防踴齧也

顏氏家訓詩駟駒牝馬江南本皆作牝牡之牡河北悉

為放牧之牧鄴下博士見難云駟頌既美僖公牧于坰

野之事何限驕鷹乎余嘗云按毛詩駟駒良馬腹幹肥

張也若作放牧之意通於牝牡則不容限在良馬獨得
 馴馴之稱良馬諸侯以充朝聘郊祀必無驥也今以詩
 傳良馬通於牧驥恐失毛氏意 漢書孝景時街巷阡
 陌馬成羣乘牝牝者不得聚會 孔氏雜說俗呼牝馬
 為課馬出唐六典凡牝四游五課羊則當年而課之課
 為歲課駒犢 席上腐談北地馬羣每一牝將十餘牝
 而行牝皆隨牡而不入他羣 周禮夏官春祭馬祖執
 駒夏祭先牧頌馬改特秋祭馬社臧僕冬祭馬步獻馬
 講馭夫 注馬祖天駟星也先牧始教人牧馬者馬社廐
 中土臧馬步神為災害馬者講擇其良者以獻於王也
 周禮趣馬掌贊正良馬坐馬掌養疾馬庾人掌十二

閑之政教以阜馬圉人掌芻牧以役圉師凡大祭祀
 覲會同毛馬而頌之凡軍事物馬而頌之 註毛馬齊其
 色物馬齊其力 禮書天子十二閑馬六種每馬一圉
 每乘一帥三乘馬十二匹三阜為繫三十六匹六繫為
 廐二百一十六匹六廐成校校有左右則十二廐合三
 千四百五十六匹種各一廐廐有左右則一種四百三
 十二匹良馬五種則合二千一百六十四匹又駑馬一種
 三良馬一種之數則為千二百九十六匹五良一駑凡
 三千四百五十六匹邦國六閑四種家四閑二種蓋諸
 侯及大夫廐無左右則良馬三層五廐合六百四十八
 匹駑馬三良馬一種之數居三廐亦六百四十八匹凡

千二百九十六匹家四閑二種一良居一廐二百一十六匹駕三之居三廐為六百四十八凡八百六十四匹諸侯六閑彼衛文公之駉牝三千齊景之馬千駟三千則近於天子十二閑之數而千駟又過之是皆僭侈而違禮者也

周禮校人掌王馬之政辨六馬之屬種馬一物戎馬一物齊馬一物道馬一物田馬一物駑馬一物

注種馬馬之善育者王路駕種馬戎路駕戎馬金路駕齊馬象路駕道馬田路駕田馬駑馬給宮中之役禮月令季秋天子教于田獵命僕及七駟咸駕注僕戎僕天子馬有六種各一駟主之并總主六駟者為七駟也皆以馬駕車

漢百官表家馬丞尉能古注家馬

者主供天子秋用非大祀戎事軍國所須故謂之家馬也

孔六帖飛龍廐日以八馬列宮門之外號南衙立使馬

杜詩注唐令諸掌牧馬以小官字印左膊以年辰印印右膊以監名依左右廂印印尾側至二歲起者量其強弱漸以飛字印左廂膊膊細馬俱以龍形印印項左官馬賜人者以賜字印配諸軍及符傳送驛者以出字印益印右頰

唐六典凡外牧進良馬印以三花飛鳳之字而為誌焉尚乘奉御掌內外閑之馬辨其麤良而率其習教六閑一曰飛黃二曰吉良三曰龍媒四曰騊駼五曰馱駼六曰天苑左右凡十有二閑分為二廐一曰祥麟二曰鳳苑以繫飼馬

名畫要錄開元天

寶間承平日久世尚輕肥多愛三花飾馬郭若虛家藏
 貴戚閱馬圖中有三花馬蘇大參家有韓幹畫三花御
 馬晏元獻家藏一畫號國出行圖亦有三花馬三花者
 剪綜爲之辯杜甫詩蕭蕭千里馬箇箇五花文註馬
 鬣剪爲五花或三花象天文王良星也羣書考索六
 邊長吏擇牙吏又蕃招募良馬詣京師至則估馬可定
 其直御馬有三等祇應馬引駕馬從馬其次給用又有
 十五等一箇中馬二不得久使馬三添價馬四國信馬
 五臣寮馬六諸班馬七御龍直馬八捧日龍衛馬九拱
 聖馬十驍騎馬十一雲騎馬十二天武馬猛馬十三雜
 配事馬十四雜使馬十五馬鋪馬羣書考索凡馬羣

之號十七字左驥驥院捧日馬內及倒印驍騎馬內中
 溝橫印龍猛馬外尾側正印千字左驥驥院龍猛馬內
 溝正印雜使馬內溝橫印遞馬內及倒印右驥驥院雜
 使馬外及橫印遞馬外尾側橫印上字左驥驥院給諸
 班直諸軍員馬臨時印無定所立字右驥驥院給諸班
 直諸軍長行馬外入所印永字左驥驥院給諸班有諸
 軍長行馬外人所印又諸監三歲馬亦永字印及骨官
 字蕃戎所貢之馬及歲時所市之馬初用之牡印其項
 牝印其項諸監牧駒主歲亦如之凡馬骨相應圖法可
 充御馬者以官字印其項令圍師調習之吉字兩院諸
 馬自龍猛馬已上稍馴驥者印以備近臣中謝生辰所

賜及揀選支用又坊馬部至京選配他處亦以吉字印
 汗溝天字國信馬及諸班拱聖驍騎馬舊用天字印
 楊鉅翰林志學士初入院賜馬一匹謂之長借馬
 書考索周之汧渭魯之峒野漢之樓煩唐之沙苑此西
 北牧馬之地也六朝置區於閩越藏之內地錢氏置監
 於婺女號為馬海此東南牧馬之地也
 述異記東海
 島龍川穆天子養馬處有龍芻草馬食之一日行千里
 漢書衛綰奏馬齒未平不得出關
 酉陽雜俎瓜州
 飼馬以蕢草沙州以茨其涼州以勃突渾蜀以稗草以
 蘿蔔根飼馬馬肥安北飼馬以沙蓬狼針
 博物志馬
 食穀則足重不能行
 國憲家猷秣馬之法必視其齒

歷勞逸而調息之

潛確類書元文宗時雲南行省言

亦乞不薛之地牧馬歲給鹽以每月上寅日噉之則馬

俱無病比因伯忽叛亂雲南鹽不到馬多病死詔命四

川行省以鹽給之續秘笈凡馬至秋高則甚肥此而

急馳驟之不三舍而馬斃矣以其臙未實也於是擇其

尤良者加以控馬之方每日步馬二三十里俟其微汗

則繫其前足不令之跳踴躑躅也促其銜轡不令之飲

水斲草也每日午後控之至晚或晚控之至黎明始散

之牧場中至次日又復如是控之至三五日或八九日

則馬之脂膏皆凝聚於脊其腹小而堅其臀大而實向

之青草虛臙至此皆堅實凝聚即盡力奔走而氣不喘

卽經陣七八日不足水草而力不竭

將軍趙固所乘馬暴卒令三十人悉持長竿東行三十

里遇丘陵社林卽散擊俄頃擒一獸如猿持歸至馬前

獸以鼻吸馬馬起躍如舊今以獼猴置馬廐此其義也

〔南部新書〕劉三復能記三生事云曾爲馬馬常患渴

望驛而嘶傷其蹄則連心痛後三復乘馬過磽確之地

必爲緩轡有激石必去之

〔珍珠船〕接伴使耶律永興

副姚跋回張回問北馬有割去肺者遂無病能行累否

云有之其法飲以醇酒於腋間破之

〔抱朴子〕韓子治

嘗以地黄甘草啖五十歲老馬以生三駒又百三十歲

乃死

〔史記〕楚莊王有愛馬衣以文綉置華屋下席以

露牀啗以棗脯

〔馬癖記〕王武子好馬非馬不行正旦

則柳葉金障泥上元則滿月靨清明則剪水鞭重午則

籠嬌鞍中秋則玉權總絳頭重陽則蟬兒鏡春秋社則

塗金鞍冬至則嘶風鐙除日則藥玉鞍每節則飼馬以

明紗豆薔薇草

〔三國典略〕北齊高緯御馬皆藉以氈

蜀被以金玉食物有十餘種號爲駃龍儀同其將合牝

牡則設青廬繡帳

〔唐書〕王毛仲高麗人從帝東封取

牧馬數萬匹每色一隊相間如錦繡天子才之

〔舞馬〕

〔山海經〕大樂之野夏后啓於此舞九代馬乘雨
龍 曹植獻文帝馬表臣於先武皇帝世得大宛紫驂
馬一匹形法應圖善持頭尾教令習拜今輒已能又能

行與鼓節相應謹以奉獻 宋書宋大明五年吐谷渾
 拾寅遣使獻舞馬 張裕傳梁武天監四年襍飲華光
 殿其日河南國獻赤龍駒能拜伏善舞 珊瑚鈎詩話
 唐開元中教舞馬四百蹄衣以文繡飾以珠玉和鸞金
 勒星燦霧駁俯仰赴節曲盡其妙每舞藉以巨榻 樂
 志玄宗嘗以馬百匹盛飾分左右施三重榻舞傾杯數
 十曲壯士舉榻馬不動樂工少年姿秀者十數人衣黃
 衫文玉帶立左右每千秋節舞於勤政樓下 明皇雜
 錄玄宗教舞馬分爲左右部有名稱曰某家驕其曲曰
 傾盃樂數十馬皆衣以錦繡絡以金鐸每樂作奮首鼓
 尾縱橫應節祿山取數十匹歸范陽後爲田承嗣所得

不知其伎也一日大饗樂作馬間樂而舞廐人以爲妖
 擊之而斃焉 演繁露唐中宗景龍文館記已有舞馬
 非明皇刑教也 柱氏通典鳳花廐有蹀馬俯仰騰躍
 皆合節奏 稗史類編唐宴吐番蹀馬之戲皆五色彩
 絲金具裝於鞍上加麟首鳳翅樂作馬皆隨音蹀足宛
 轉中節

皇馬 孝經援神契王者德至山陵則澤出神馬 漢

書音義 駮裏者神馬也赤喙黑身 瑞應圖乘黃王者

輿服有度則出飛兔者神馬之名也日行三萬里禹治
 水勤勞歷年救民之害天應其德而至 符瑞圖騰黃
 者神馬也其色黃王者德御四方則至一名吉光此馬

無死時一名乘黃亦曰飛黃或作吉黃或曰攀黃一名紫黃其狀如狐背上有兩角出白民之國乘之壽三千歲黃帝乘之淮南子黃龍治天下飛黃服阜洞冥記東方朔遊吉雲之地越扶桑之東得神馬高九尺股裏有旋毛如日月狀如月夜光如日者晝光毛色隨四時之變帝問朔曰昔西王母乘靈光之輦以適東王公之舍稅此馬於芝田而食芝草王公怒棄馬於清津天岸臣至王公壇因騎而返繞日三匝此馬入漢關關已半掩帝問其名曰步景文苑英華梁太清元年四月神馬出五月丁酉朔詔以馬寶示羣臣漢書注大宛國有高山其上有馬不可得因取五色母馬置其下

與集生駒皆汗血因號曰天馬子云華山志玉女祠

有馬一匹神靈異常夜聞嘶駁之聲頂上隱者常見之

郭子章馬記伏羲時龍馬負圖出河遂則其文以畫

八卦漢書注乘黃龍翼馬身黃帝乘之而仙尚書

中候堯時龍馬銜甲赤文綠色臨壇上甲似龜廣袤九

尺圓理平上五色文有列星之分斗政之度帝王錄紀

之瑞應圖龍馬者仁馬也河水之精高八尺五寸長

脰身有鱗甲脊上有翼旁有垂毛鳴聲不哀蹈水不沒

有明王則見也太平清話許松皐云河圖龍馬旋毛

若初生小兒髮列子舜駕五龍馬行康衢洞冥記

脩彌國有馬如龍名曰藏空謂騰虛逐日藏形空中惟

聞聲也

遼甲開山圖隴西神馬山有淵池龍馬所生

韻府續編青海之傍馬多龍種號龍孫西戎傳箇

失密出龍種馬世傳地本龍池龍徙水竭故往居之

馬記金龍池在馬邑縣後魏時池有二龍化馬一驪一

黃遇天陰物輒出民間牝馬遇之生駒神駿或有角如

鹿茸然又唐王昌遇落魄仙授以道術歸呼馬送之瞬

息至家馬化為龍入瀘川澤中又峨眉縣昔有一馬馳

走如飛邨民攪捕傷足投之池中一夕雷雨大作劈山

而去唐書天寶中隴右節度皇甫惟明奏龍支縣人

庫狄孝義有馬生龍駒經九旬有九日身有鱗而不生

毛臣就檢視時有慶雲五色遙覆馬上久而不散請討

史官

一統志貴州養龍坑有靈物歲其下當春初

人立柳坑畔擇牝馬繫之已而雲霧晦冥類有物與接

其產必龍駒馬記明永樂庚子冬十月山東諸城縣

民崔友諒以龍馬來獻其色青蒼肉鬣隱起背有奇文

交互錯綜若龍鱗然赤鬣肉尾鱗臆鳳膺散陵潤澤狀

甚奇異詢諸其民云所居之地有潭瀕海深不可測時

有神物蜿蜒雲霧之中隱見潭上家有牝馬恒牧於茲

忽一夕風雲驟作遂產此馬若有神異焉呵光彩照耀

上燭青漢遠邇嗟異咸曰此龍馬也宜聞於朝以彰天

庥為千萬世太平之光蜀志馬鳴溪昔土人鄭氏牧

溪上馬產龍駒四蹄列爪朱鬣頰尾高七尺振鬣長鳴

躍於水故名。〔瑞應圖〕玉馬者王者清明尊賢則至。瑞應圖玉澤馬者師曠時來。〔爾雅〕野馬。〔注〕如馬而小出塞外。〔說文〕駟。野馬出北海形似鹿。〔天中記〕瑞應經云佛生之日玉家青衣復產一兒廐中白馬亦乳白駒奴字車匿馬曰健陟。王常使隨太子本起經云其駒毛色純白駿驥貫珠名爲蹇持奴日闡持。起世經轉輪王有紺馬之寶名婆羅訶。色青體尾毛悅澤頭黑髮披有神通力騰空而行日初出時乘此馬寶周流大地還至本宮乃始進食。〔神異記〕西海有白馬朱髦河伯使者乘之如飛所至之國雨水滂沱。〔鳥獸續考〕山馬形如鹿差黑二角眼下復有二眼日閉夜開以燭物

〔海語〕海馬色赤黃高者八九尺逸如飛龍山。〔海蓋龍種也〕東南島夷老於泛海者間一見云。〔揚文公談苑〕海馬骨水火俱不能毀惟漚以腐糟隨毀徐鉉得海馬骨上脛可長三尺腦骨若斷柱積柴焚三日不動以腐糟纒漚之遂爛焉。〔華陽國志〕會無縣有元馬祠家人牧山下或產駿駒元馬子也。〔山海經〕一臂國有黃馬虎文一目而一耳。〔寰宇記〕電白海中出驂馬似馬而牛尾。〔禮斗威儀〕君乘火而王南海輪駮馬。〔山海經〕敦頭之山中多驂馬牛尾白身一角音如虎滑水中多水馬如馬而支臂牛尾其音如呼。〔周書〕王會解俞人雖馬。〔注〕俞東北夷雖馬鴛如馬一角。〔周書〕義

渠茲白者白馬銜齒食虎豹

馬異

廣博物志周幽王生之歲有馬化為狐史記

秦孝公二十一年有馬生人昭公二十年牡馬生子而

死搜神記漢文帝十二年吳地有馬生角在耳前

向右角長三寸左角長二寸皆大二寸漢哀帝建平三

年定襄有牡馬生駒三足隨羣飲食五行志以為馬國

之武用三足不任用之也晉大興二年丹陽郡吏漢

陽演馬生駒兩頭自項前生別生而死此政在私門二

頭之象也其後于敦陵上晉書武帝太熙元年遼東

有馬生角在兩耳下長二寸愍帝建興二年九月蒲子

縣馬生人南史陳太建四年西衡州獻馬牛角搜

神記魏齊王嘉平初白馬河出妖馬夜過官收邊鳴呼

衆馬皆應明日見其迹大如斛行數里還入河靈鬼

志陳安為河間王顥給使甚壯健常乘一馬駿快非常

后馬死雙赤蛇出其鼻唐五行志大和九年易定馬

飲水因吐珠一以獻北齊瑣言路巖成都移渚宮所

乘馬忽作人語且曰蘆葦花此花開後路無家不久及

禍葛洪神仙傳章震號王子能以泥作馬日行十里

大唐奇事京洛富人王武者得一馬白色如一團美

玉其鬃尾赤如朱馳驟之馱非常馬得及武將以獻大

將軍薛公其馬忽於廐中入嘶一聲後化為一泥塑之

馬立焉武大驚訝遂焚毀之南渡錄康王宋徽宗第

牛之於人也十正祭

牛之於人也十正祭

牛之於人也十正祭

牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭
牛之於人也十正祭

格致鏡原卷八十六

獸類

綱論

說文牛為大物天地之數起於牽牛

易坤為

子母牛人嵩高記山有大松或千歲其精變為牛

造

化權輿坤陰物也牛故蹄拆陰病則陽勝故牛疾則立

牛陰物故起先後足臥先前足

順風而行則順

病則耳燥安則溫潤而澤故古之視牛者以耳管子云

凡聽宮如牛鳴竅中牛含宮聲柳子以為黃鍾在脰也

義訓牛之聲曰牟

各文竟原卷八十六 獸類 牛

羞辨腥臊羶香之不可食者曰牛。夜鳴則廋。注：廋，臭也。牛夜鳴則反常，其肉必臭。王制：諸侯無故不殺牛。注：穀者，民之命，牛植穀，故王法禁殺。天中記：世本曰，駘作服牛，駘黃帝臣也。又曰：少昊時人始駕牛。山海經：稷之孫曰叔均，是始作牛耕。注：始用牛犁也。宋祁筆記：古者牛唯服車，書曰：肇牽車牛，易曰：服牛乘馬。漢趙過始教人用牛耕，王弼傳：易曰：牛稼穡之資，是不原漢始牛耕之意。嶺表錄異：瓊州不產驢馬，人多騎黃牛，亦飾以鞍韉，加之銜勒，可騎者皆自小習其步驟，甚穩快。周禮：封人掌飾其牛牲，設之楅衡，置鞮，供其水藁。注：楅衡，所以持牛，令不觸人也。庶物異名疏：楅衡，易

所謂楅者也。說文：施橫木於牛角，以防其觸。鄭玄謂楅設於角，衡設於鼻，如楸狀。釋云：如楸狀者，漢時有置於犬之上，謂之楸。故舉以况衡，升菴云：楸音加。今日闖筒字書闖出頭貌。周官：牛人掌養國之公牛，以待政令。祭祀供享牛，求牛賓客供積膳牛，饗食供膳羞牛，置事供楅牛，喪事供奠牛，軍旅供兵車之牛。禮：帝牛不吉，以為稷牛，帝牛必在滌。三月稷牛，惟具所以別事天神與人鬼也。天子以犧牛，諸侯以肥牛，大夫以索牛。溪蠻叢笑：客多行桃源路，洞中古軍事，勝負及疾病，祈禳皆以牛用名例。牛。白樂天詩：鄭牛識字，吾常歎。注：諺云：鄭玄家牛觸牆成入字。左傳：麇鼠食郊牛角，改卜。

牛麋鼠又食其角乃免牛 禮王制祭天地之牛角。爾

栗宗廟之牛角。握賓客之牛角。尺 註如爾如栗犢也。角

未出也。握手可握也。尺者取肥大而已 考工記角長

二尺有五寸三色不失理謂之牛戴牛 註三色本白中

青末豐也。牛戴牛謂所戴之角。又有一牛之直也 爾

雅北方之美者有幽都之筋角焉 註幽都山各謂多野

牛筋角 本草李時珍曰角尖中堅骨一名骨胎言在

角內也 北史祖帝英傑魁岸馬不能勝常乘安車駕

大牛牛角容一石 裴英東谷贅言宋南渡詔市牛筋

五千斤李椿奏曰一牛之筋纔四兩是欲屠二萬牛也

遂止 劉敬叔異苑山陰有人常食牛肉左脾便作牛

鳴每勞輒劇食乃止 本草牛黃出林縣凡牛有黃者

毛支光澤睛色如血時鳴吼而好照水人以盆水承之

伺其將吐乃喝迫之即墮水中如雞子黃大重疊可揭

輕盈而香摩爪甲上其色不落者佳若殺死在角中得

者名角黃心中得者名心黃肝膽中得者名肝黃 石

藥爾雅牛乳汁一名蠶蠕漿 北史魏王珽以年老拜

散騎常侍養老於家常飲牛乳色如處子 談苑高若

訥能鑿以鍾乳飼牛飲其乳後患血痢卒或云冷煖相

薄使然 續秘笈牛羊之乳凡為酥為酪為餅皆取給

焉取牛乳則俟犢能齧草遂隔別之日取其乳至夜始

令母子相聚也 真珠胎錫蘭國不食牛肉止食其乳

牛死卽埋之私宰者罪死或輸金如牛首以贖罪爾雅施謂之龍註施牛尾也晉書夫餘國若有軍事殺牛祭天以其蹄口吉凶蹄解者爲凶合者爲吉五經鉤沉東夷之人以牛骨占事呈示吉凶無往不中牛非含智之物骨有若此之效幽明錄淮牛渚津水極深無可算計人見一金牛形甚瑰壯以金爲鑣絆續漢書十二月立土牛六頭於國都郡縣城外丑地送大寒李涪刊誤月令出土牛以示農耕之早晚謂於國城之南立土牛其言立春在十二月終策牛人近前示其農早也立春在十二月晦及正月朔策牛人當中示其農中也立春在正月望策牛人在後示其農晚也今天

下州郡立春日制一土牛飾以文彩卽以絲杖鞭之既而碎之各持其土以祈豐稔不亦乖乎蜀紀秦惠王欲伐蜀乃刻五石牛置金其後蜀人見之以爲牛能便金此天牛也使五丁力士拖牛成道秦得道通石牛力也崔鴻趙錄石虎末洛陽西北九里石牛在青山上忽鳴聲聞三十里遣人打落兩耳及有鐵釘四脚郡國志貴州有洞池下有石牛時出池間則歲旱廣州記州有石牛每旱殺牛以血和泥泥石牛背旣畢卽雨泥盡方止諸葛亮集木牛者方腹曲頭一脚四足頭入腹中舌著於腹載多則行少則否宜可大用不可小使

別名

曲禮凡祭宗廟之禮六牲牛曰一元大武註元

頭也武足迹牛肥則迹大演繁露牛羊豕具為太牢

但有羊豕而無牛則為少牢今人獨以太牢各牛失之

矣清異錄天成長興中以牛者耕之本殺禁甚嚴有

盜屠私販不敢顯其名宛稱曰格餌合璧事類劉訓

者京師富人時春遊以觀牡丹為勝賞訓邀客賞花乃

繫水牛數百在前指曰此劉氏黑牡丹也廣記南山

牛自稱桃林班特處北抱朴子山中世日解書生者

牛也知其各則不能為害清異錄陽翟莊舍有田老

者謂牛為黃毛菩薩雜俎北虜之先索國有泥師都

二妻生四子一子化為鴻遂委三子謂曰爾可從古海

古稱牛也三子因隨牛牛所養悉成肉酪世史正綱

虜呼牛為不花苑書瞿摩帝牛也

詩類說文牡畜父也從牛土聲犗特牛犢牛牝畜母

也從牛匕聲犢牛子也犛二歲牛也犛三歲牛也犛四

歲牛也犛騰驟牛也犛白黑雜毛牛也犛犛牛也犛牛

白脊也犛黃牛虎文也犛犛牛也將牛白脊也犛牛文

犛如星也犛牛黃白色也犛黃牛黑唇也犛白牛也犛

牛長脊也犛牛徐行也犛牛息聲也一日牛鳴犛牛純

色也犛牛馬牛也犛以芻菴養牛也犛牛柔謹也郭

璞爾雅註犛無角牛犛豎角牛犛黑唇牛黑背犛黑耳

犛黑腹牧黑脚犛體長犛絕有力欣犛說文牛赤色

有角夔水獸夔牛山獸也。〔爾雅〕摩牛。〔註〕出巴中重千斤。〔異物志〕日南多駛牛。日行數百里。〔廣志〕犏牛。庫小令謂之犏牛。又呼果下牛。出廣州高涼縣犏牛。犏牛也。無角。髀膝尾間皆有長毛。可以為旌。〔海錄碎事〕梧州出獨峰牛。土人乘騎如馬。謂之角乘。〔廣志〕爆牛。野牛也。出海康頂上有肉。大如覆斗。一日犂牛。健行者。日三百里。出交州合浦。〔蟬史〕爆牛。抵觸百獸。故金吾仗刻爆牛於槩首。〔爾雅疏〕犂牛。其領土肉隆起。若封然。因以名之。即今之犂牛。〔莊子〕犂牛。大若垂天之雲。〔廣志〕犂牛。黑色。出西南徼外。腹下及肘皆有赤毛。長尺餘。而尾大如斗。天子左纛。以此尾為之。出梧州。〔漢郊

祀志〕殺一羗牛。〔注〕西南夷長髦之牛也。〔埤雅〕羗牛。出西域。尾長而勁。中國以為纓。人或射之。亦自斷其尾。〔物類志〕羗牛。足四節。〔物類相感志〕旄牛。腹下及肘脚皆有赤毛。一尺。自愛惜尾。若草木鉤之。則止不動。解乃去。或味其肉。若酪。甚美。而麤。種難制。若欲取其乳。使人歌於前。強然。乃可取也。〔水東日記〕牯牛。與封牛合。則生犏牛。狀類牯牛。偏氣使然。故謂之犏牛。〔一統志〕甘肅出犏牛。力能載重。〔異物志〕州雷水牛也。毛青。大腹銳頭。青尾。〔鬱林異物志〕州雷者。其寔水牛。蒼毛。豕身。角若擔子。衛護其犢。與虎為讐。〔廣志〕州雷項上肉。大如斗。似橐駝。日行三百里。〔相如上林賦〕沉牛。〔註〕張揖曰。

水牛能沒入水中 抱朴子水牛結陣而却虎 鳥獸

續考海邊山內野水牛甚狠但見生人身穿青者必趕

來抵觸而死出占城國 物類相感志竹牛出窮朔北

方甚大力能伏虎生子於竹中虎若行近則逐迹抵觸

林木虎驚懼而戢伏 玉堂閒話臨洮已西至於疊宕

嶓岷之境數郡良田自祿山以來陷為荒徼其間多產

竹牛 野牛名其色純黑其一可敵六七駱駝肉重千萬斤

者其角二壯夫可勝其一每飲齧之處則拱木叢竹踐

之成塵獵人先縱火逐之俟其奔逆則毒其矢向便射

之泊中鏃乃挈鍋釜負糧候其踪緩逐之矢毒既發

卽斃蹄之如山積肉如阜 牛致肉數千斤新鮮 者甚美饜如紅絲線 栗

康昨夢錄西夏有竹牛重數百斤角甚長而黃黑相間

用以製弓極佳尤且健勁其近弮黑者謂之後離近稍

近弮俱黑而弓面黃者謂之玉琴夏人常雜犀角以市

焉然為帶無他文但峰巒高低繞人腰圍耳為弓則貴

為他則不足道也 恩平郡譜沉牛謂之回沙牛謂之

磨 羣書考索牛有二種一曰沉牛牛之善水者也一

曰沙牛俗亦謂之黃牛 事物紀原牛皮如豹蹄似

牛長九尺高丈餘出西域 廣志麒麟牛似鹿又似羊肉

美皮溫常處滇濱也 酉陽雜俎野牛高丈餘其頭若

鹿其角若丁戾長一丈白毛尾似鹿出西域 初學記

引牧牛項上肉大如斗出徐門 南史扶桑有牛角甚

長以角載物至勝二十斛世說吳牛見月而喘詞

林海錯蔥青牛也帝耕籍田用之文選蔥惛服於縵

輓關中記周元年老子乘青牛度關郡國志寶州

特亮縣昔有白牛夜出光影照於人見牛光號為特亮

後魏書元仲景性嚴峭兼御史中尉每往臺駕赤牛

號赤牛中尉

相牛法齊民要術牛岐胡有壽亦分爲二也眼去角

近行駛眼欲得大眼中有白脉貫瞳子最快二腋齊者

快二軌從鼻至髀爲前頸骨長且大快壁堂欲得闊壁

脚也倚欲得如絆馬聚而正也莖欲得小膺庭欲得廣

會也天關欲得成天關脊僞骨欲得垂僞骨脊骨中洞

胡無壽洞胡從頭旋毛在珠淵無壽珠淵在上池有亂

毛起妨主上池兩角中倚脚不正有勞病角冷有病毛

拳有病毛欲得短密若長疎不耐寒氣耳多長毛不耐

寒熱單脊無力有生瘡即决者有大勞病尿射前脚者

快直下者不快亂睫者祇人後脚曲及直並是好相直

尤勝進不其直退不甚曲爲下行欲得似羊行頭不用

多肉臀欲方尾不用至地至地少力尾上毛少骨多者

有力膝下縛肉欲得硬角欲得細橫豎無在大身欲得

促行欲得如卷卷者其插頸欲得高一曰體欲得緊大

膝疎肋難飼龍突日奸跳又云不鼻如鏡鼻難牽口方

易飼蘭株欲得大蘭株蒙筋欲得成就蒙筋脚豐岳欲

得大豐岳膝蹄欲得豎豎如羊角垂星欲得有努肉垂星蹄上有肉
覆蹄謂力桂欲得大而常力成車肋欲得密密肋骨欲得大
而張張而廣也髀骨欲得出骨上出背脊也易牽則易使難
牽則難使泉根不用多肉及多毛泉根所出也懸蹄欲得橫
如入字也陰虹屬頸行千里陰虹者有雙筋白毛陽鹽欲廣
陽鹽者夾尾當陽鹽中間脊骨欲得窄窄則為單脊不常
有似鳴者有黃西陽雜俎牛三歲二齒四歲四齒五
歲六齒六歲已後每一年接脊骨一節志怪荀晞為
兗州鎮去京師五百里募得牛能日行千里晞且發書
疏一更始竟答書已還晞以其駿快疑筋骨有異殺而
觀之唯有雙筋如小竹大白頭挾脊著肉裏故外不覺

異牛

述異記周成王時東夷送六角牛周書成王

時大夏獻茲白牛孔晁注茲白牛野獸也牛形象齒

南越志綏安縣北有連山昔越王建德伐吳得牛其大

于石以童男女三千人牽之既而入船俱墜於潭時時

聞附船有騷然之聲往往有青牛與船俱見神靈之至

博物志九真有神牛乃生溪上黑出時共鬪即海沸

黃或出鬪岸上家牛皆怖人或避之則霹靂至號曰神

牛玄中記大月支及西胡有牛名日及一作白及牛

以今日割取其肉三四斤明日其肉已復瘡亦愈唐

西域傳天竺其畜有稍割牛黑色角細長四尺許十日

一割不然困且死人飲其血或曰壽五百歲牛壽如之

〔寰宇記〕九真有糖牛。形如牛而大頭白身黑角長二丈堪為酒器。〔交州記〕新昌穴出山犢似秦牛名糖牛

常與蛇同穴人以鹽著手夜入坎中取之其舌滑者是蛇其舌燥者則牛也。因引之而出焉其角如玉。〔西陽

雜俎〕句漏縣大江中有潛牛。形似水牛每上岸鬪角軟還入江水角堅復出。〔齊地記〕東萊牛島上嘗以五月

海牛產乳海牛形似牛而無角駢色虎聲爪牙亦如虎脚似鼉魚尾似鮐魚尾長尺餘其皮甚軟可供百用牛

見人奔入水以杖擊鼻則得之。〔事物紺珠〕海牛山支登海中長丈餘紫色無角性捷疾見人則飛入海其膏

可然皮可弓韃矢房。〔揚子臨海水土記〕魚牛象獺大

如犢子毛青黃色其毛似氈知潮水上下

牛異

〔搜神記〕秦文王五年游於胸衍有獻五足牛者

時秦世喪用民力京房易傳曰興繇役奪民時厥妖牛生五足。〔搜神記〕漢景帝中六年梁孝王田北山有獻

牛。足出背上者漢靈帝延熹五年臨沅縣有牛生鷄兩頭四足。〔晉書〕武帝太康九年幽州塞北有死牛頭語

按師曠曰怨毒動於人則有非言之物而言。〔搜神記〕晉大興元年三月武昌太守王諒有牛生子兩頭八足

兩尾共一腹不能自生十餘人以繩引之子死母活其三年後苑中有牛生一足三尾生而死也。〔朝野僉載〕

先天年洛下人牽一牛腋下有一人手長尺餘巡坊而

乞 陸勳集異志武后長安中有獻牛無前膊三足而
行者又有牛膊上生數足蹄甲皆具武太后從姊之子
司農卿宗晉卿家牛生三角 唐五行志大曆八年武
功樸陽民家牛生犢二首咸通七年荊州民家牛生犢
五足

羊

總論

說文羊祥也象四足

角尾之形

禮注羊火

畜屬良

周易兌為羊

吳氏注

羊外柔能悅草而內剛

狼故兌為羊

坤雅詩

日羊牛下來先羊後牛

者羊性畏露噴出而早歸常先於牛故也

說文羊大則美故

久大羸瘦也羊以瘦為病羔羊子也

羊鳴也善羊臭

也 春秋繁露凡贊卿用羔羔有角而不用如好仁者
執之不鳴殺之不嗥類死義者羔飲其母必跪類知禮
者故以為贊 晉書鄭氏婚物贊曰羊者祥也然則婚
之有羊自漢末始也 禽獸決錄羊性淫而狠 名義
考羊性狠愈乖愈不進其目狠疾言不順從也 埤雅
羊每成羣則啜以一雄為主舉羣聽之今俗所謂壓羣
者是也北人謂之羊頭 松漠紀聞北羊不舐觸善牧
者每羣必置羯癡羊數頭仗其勇得行必居前羣羊隨
之 封氏聞見記凡新羊入羣為諸羊所觸不相親附
火燒其尾則定 蕭大亨夷俗記羊之羔每一年一產
產於春月者為佳羊有一年再產者然秋羔多有倒損

之患故牧羊者每於春夏時以註片裹羝羊之腹防其
與牝羊交接也。〔羣國志〕吳房堂溪有白羊淵漢武元
封二年有白羊出此淵畜牧者禱祀之初出一羊婦人
大驚拍手羊自此絕焉今俗生羊禁婦人拍手是效古
也。〔易林〕羊腸九紫。〔易注〕羊無睛而能視死不瞑目
。〔周禮〕內饗辨腥臊膾香之不可食者羊冷毛而毳羶
注冷毛長毳毛結。〔續秘笈〕取羊乳俟羔能齧草驅至
他所將牝羊每兩隻其頭相對束縛之使不動人從羊
尾後取之取畢始解其束縛令母子相聚也。〔舊唐書〕
拂林國有羊羔生於土中其國人候其欲萌乃築垣以
環之防外獸所食然其臍連地割之絕則死惟著甲志

馬擊鼓駭之其羔驚鳴而臍絕因逐水草以一二百口
為羣。〔劉郁西使記〕羶種羊出西海以羊臍種土中澆
以水聞雷而生臍系地中及長驚以木聲臍斷便行嚙
草至秋可食臍內復有種。〔姚桐壽樂郊私語〕大漠迤
西俗能種羊牝屠羊用其皮肉惟留骨以初冬未日埋
著地中至春陽季月上未日為吹笳咒語有子羊從土
中出凡埋骨一具可得子羊數隻此蓋四生胎外之化
也。〔丹房鏡源〕羊脂柔銀軟銅殺羊角縮賀賀錫也
。〔雷青日札〕羊哀在腸形如小鼠子可治兩食翻胃。
〔史〕按牛有黃狗有寶羊有卵石俱在腹中附膽而生羊
卵白石色如玉絕類狗寶可治翻胃及羊病。物類相

感志鑄鐵不消以羊頭骨灰致之乃消融。燕北雜記
犁丹行軍不擇日用艾和馬糞於白羊琵琶骨上灸灸
破便出不破便不出一云占卜每用羊髀骨以鐵錐錐
之視其兆拆以決大事。丹銛總錄元朝主中國日用
羊皮寫詔謂之羊皮聖旨。庶物異名疏草木子云北
人殺小羊自脊上開一孔逐旋取去內頭骨肉外皮皆
完揉軟用以盛乳酪酒渾謂之渾脫按宗晉卿舞渾脫
公孫大娘渾脫舞長孫無忌以烏毛為渾脫氈帽背前
其柔軟若無骨而脫亦謂消肉臞也。南史江東謂殺
羊角為阜美。格古要倫花羊角多出北地黑身白花
者高白身黑花者低作刀靶染油不滑凡刀靶鴻濤本

為最佳花羊角次之他物皆不及也。玄中記千歲之

樹精化為青羊。

抱朴子山中未日稱主人者亡也。

白澤圖羊有一角當頂上龍也殺之震死。

百六帖玉

羊瑞器也鐘律調和五聲當節則見。

列仙傳葛田好

刻木羊賣之一旦騎羊入蜀。

五代史劉鋹四年苑中

羊吐珠樊胡子以為符瑞譔羣臣入賀。

詳類

邢昺爾雅疏白粉謂吳羊也其牝者名將云夏

羊者黑殺癡也其牡者名羴即助斌也其牝者名殺郭

璞云今人便以群殺為白黑羊名其實白羊牝者名群

黑羊牝者名殺羊角不齊一長一短者名觥養捲也羊

角捲三匝者名羴羊之黃腹者名羴羊新生未成羊者

各野郭云俗呼五月羊為野詩小雅伐木云既有肥野
是也壯大絕有力者名奮廣雅牡一歲曰羝三歲曰
羴牝一歲曰牝二歲曰牝吳羊牝曰牝殺羊牝曰羴羊
子曰羴說文野五月生羔也羴六月生羔也羴七月
生羔也羴羊未卒歲也羴乘羊也羴羊名也
羴胡羊也羴羊腊也爾雅羊六尺為羴博物志羊
而不角口殺羊太玄羴羊之豸鳴不類注羴羊大羊
也列繆正俗問小羊未成爲羴子何答曰按呂氏字
林羴音未啐羊也今言旋者語訛耳當言羴子也達亦
小羊詩云先生如達羊子易生無雷難也廣博物志
羊以正月產者爲上羔仲冬產者爲次羔季春以後產

者爲下羔楊善夫錄羊有二種不可食毛長而黑壯
者曰骨羴白而有角者曰古羊皆羴身發病羊之大者
不過五十觔奚中所產者百餘觔本草綱目生秦晉
者爲夏羊頭小身大毛長土人剪其毛爲氈謂之綿羊
羴涯勝覽阿丹國綿羊白毛無骨於角處有兩搭圓
黑甚異其項下如黃牛袋毛短如犬尾大如盤忽魯謨
斯國有大尾綿羊重七八十斤其尾闊一尺餘拖地重
二十斤狗尾羊如山羊尾長二尺餘羴羊高二尺七八
寸前截毛長拖地後半皆剪淨頗似綿羊角彎向前上
帶小鐵牌好鬪好事者養之賭博爲戲事林廣記大
食勿斯離國產胡羊高三尺餘其尾如扇每歲春時割

取脂二十餘斤再縫合仍生不取則脹死續漢書鮮卑國有原羊 廣志羴羊角重於肉 埤雅羴羊似吳羊而大角角橢善關至死釋獸所謂羴如馬羴如羊者卽此是也羴羊之在原不可牢畜者也一日狀若騾而羴行暑天羴露在其角上生草戴行變之獨寢 爾雅羴大羊 註羴羊似羊而大角圓銳好在山崖間 寰宇志安南高石山出羴羊一角極堅能碎金剛石 埤雅羴羊似羊而大角有圓繞羴夜則懸角木上以防患語曰羴羊掛角此之謂也今以其角爲馬排法特善本草拾遺羴羊角有神夜宿以角掛樹不著地 鳥獸續考羴羊類羊青而大其角長一二尺有節如指極堅

勁今用以角有掛痕者良 星槎勝覽阿丹國羴羊名九尾羊 益州方物贊龍羊出吐蕃及蜀威茂州形似畜羊而大其角繚上重八九兩黑質而白文以爲帶勝其用亂犀 西陽雜俎僧玄奘至西域大雪山高嶺上有一村養羊大如驢 事物紺珠驢羊生韃靼大如驢尾巨而厚類扇自脊至尾或重五斤皆脂以爲假熊白能順行至數百里毛欲落如絮可線 博物志蛟羊似羊而無角啖之毒 急就篇顏氏注夷羊重百斤者爲羴 王應麟補注夷羊怪獸殷之衰夷羊在牧 山海經錢來山有獸其狀如羊而馬尾曰羴 注今大月氏國有大羊如驢馬尾是也 涼州異物志封羊其背如騾

本草。羊。出西北地。蹄皮可以割黍。虞衡志。廣西英

州多仙茅。其羊食之。舉體化為筋。不復有血肉。名乳。羊

清波雜志。河北。羊之頭有重百斤者。呂忱字林。野

羊大角者也。本草。羊。出西番耳。甚小。西人謂之蠶

耳。異物志。月氏有羊大尾。稍割以供賓。亦稍自補復

廣志。大尾。羊細毛。薄皮。尾上旁廣重且十斤。出康居

事物紀原。大尾。羊亦名羯。尾大者三斤。小者一斤。肉

似熊白。出哈密。天中記。忽魯謨斯國有靈羊。尾大者

重二十斤。行則以車載尾。酉陽雜俎。向北有濮固。羊

大而美。寰宇記。梁氏志。天馮翊朝邑縣許原下地有

苦泉水。味鹹苦。羊飲之肥而肉美。今於泉側置羊牧。因

相傳謂沙苑細肋羊。諺曰。苦泉羊。洛水漿。天中記。任

浪有饜羊。土人歲取其脂。非久復滿腹。穆天子傳。雷

水之中。爰有黑羊。白血。道書。食黃羊者仙。酉陽雜

俎。屬賓國出野青羊。尾如翠色。土人食之。潛確類書

北方有經羊。為世珍味。南越志。射佗之時。有五色羊

以為瑞。因圖之。府縣。王會圖。高夷貢。羊四角。述

異記。周成王時。陳國進六角羊。周厲王元年。外國進三

角羊。後漢書。蜀後山郡有五角羊。北史。吐谷渾拾

寅。通使於宋。獻四角羊。

別名。曲禮。凡祭宗廟之禮。羊曰柔毛。古今注。羊一

名長髯主簿。述異記。古人說羊一名胡髯郎。又名青

鳥

緝珠羊一名白石道人又同州佳羊名細助跌沙

又李栖筠家稱羊為獨筭子 仇池筆記王中令賦蒸

豚詩若把羶根來比金羶根自合喫藤條羶根羊也亦

名卷婁莊子謂舜為卷婁以其有羶行也 李朝成柳

毅傳毅遊涇陽遇婦人牧羊道呼自言是洞庭龍君小

女毅問牧羊何所用神祇豈宰殺乎女曰非羊也雨工

也何謂雨工曰雷霆之類也數復視之則皆嬌顧怒步

飲齧甚異而大小毛角則無別羊焉

羊異

韓詩外傳魯哀公穿井得土羊公懼孔子曰臣

聞水之精為玉土之精為羊是羊肝必上殺羊視之果

然 國語季桓子穿井獲一土缶中有羊焉使問仲尼

對曰木不之怪夔魍魎水之怪龍罔象土之怪曰墳菟

山海經泰山有羶狀如羊一角一目目在耳後自呼

其名 淮南萬畢術阿羊九頭而更食國亂乃出 晉

書成帝咸和二年五月司徒王導脫羊生無後足此羊

禍也 隴州圖經隴州汧源縣有上羊神廟昔秦始皇

開御道見二白羊鬪遣使逐之至此化為土塢 述異

記梓樹之精化為青羊五百年而紅五百年而黃又五

百年而色蒼又五百年而色白 搜神記漢齊人梁文

家有神祠座上施阜帳後因祀事帳中忽有人語自呼

嵩山君文納手帳中得持其頤鬚鬚甚長文漸繞手卒

然引之而聞作羊聲文引之出乃袁公路家羊也 神

仙傳黃初平年十五家使牧羊見白石叱之石起成羊
數萬頭 [搜神記] 南陽宗定伯夜行忽逢一鬼問鬼何
畏曰鬼唯不喜唾耳便擔鬼著頭上詣宛市鬼化為羊
伯恐其變遂壓之因賣得錢千五百

格致鏡原卷八十七

獸類六

犬

總論

[說文] 犬狗之有懸蹄者也孔子曰視犬之字如

畫狗也狗叩也叩氣吠以守也 [春秋考異郵] 犬斗精

所生七九六十三鳴氣通故狗三月而生高三尺 [百

六帖] 犬者金精 [易] 艮為狗 [晉書] 狗三星在南斗魁

前生吠守 [埤雅] 卞子曰狗性險而出 [談苑] 偷能禁

犬使不吠唯此犬不可禁也或云紋如虎斑亦難禁

好事集以胡麻炒啖犬則光黑而駿獵必大獲狐兔又

可十歲 [陰陽自然變化論] 狗不見雪 [埤雅] 犬喜雪

諺云雪落狗喜〔西陽雜俎〕豺遇狗輒跪如拜狀狗為
 豺舅也〔抱朴子〕山中戌日稱人姓字者犬也〔癸辛雜志〕虎食犬則醉犬虎之酒也〔雷青日札〕狗食木齧
 而死〔禮記〕凡祭宗廟之禮犬曰羹獻〔尹文子〕康衢
 長者字犬曰善噬〔清異錄〕武宗十玩圖謂犬為忠門
 使〔古今注〕狗一名黃羊〔紺珠〕狗一名義畜一名家
 獸〔尸子〕齊有貧者命其狗為富〔劉攽詩話〕今人呼
 禿尾狗為厥尾衣之短後者亦曰厥〔五行書〕白犬處
 文南斗君畜可致萬石也黑犬白耳人大王犬也〔在之〕
 令人富貴白犬黃頭家大吉黃犬白尾代有官黑犬前
 兩足白者宜子孫黃犬白前兩足者利人犬生四子取

黃子養之犬生五子取青子養之六子取赤子養之七
 子取黑子養之八子取白子養之白犬烏頭令人得財
 白犬黑尾令人世世乘車〔白澤圖〕黑狗白頭耳長尾
 卷龍也〔廣異〕魏元忠嘗呼荅頭未應犬輒代呼之元
 忠曰此孝順狗也乃能代我勞後亦無恙〔彙苑〕信狝
 犬開口爭吹之聲楚辭猛犬狝狝而迎吠〔羣碎錄〕左
 傳國狗之瘕無不噬也杜預注云瘕狂犬也今云獠犬
 宋書云張收為獠犬所傷食蝦蟇瘡而愈〔五雜俎〕瘕
 狗齧人令人腹中長狗雛而死急以藥治之狗從小便
 中出即有齧衣服者亟捲衣置圍上經數宿必有狗雛
 無數死其中又有一種狗不飲不食常望月而嗥者非

瘕也乃肚中有何實也實如石大者如鷲卵小如雞子
 專治噎食之疾 雷青日札凡狗有寶則羸瘦毛落不
 勝其熱入水自濡其塊如粟同胞破之可手葉入藥治
 毒瘡 七修類藁狗寶生於狗胞中其形質如鷲卵石
 面色至白碎之內有文理數十層 石藥爾雅白狗膽
 一名瓠汁一名陰龍瓠汁白狗耳上血名曰龍柴
羊類 三才圖會犬有三種一名田犬二曰吠犬三曰
 食犬食犬猶今之菜牛也 爾雅犬生三獫二獅一獬
 未成毫狗 爾雅狗四尺為獫 尸子五尺犬為獬
 爾雅疏犬子未生幹毛者名狗長口者名獫短口者名
 獨獫壯大絕有力者名獬 說文獫黑犬黃頭也虺犬

多毛也獫犬吠不止也獫犬獫人亦可也獫健犬也
 狄赤犬也狡少犬也狗奴地有狡犬巨口狗黑身獲獲
 南越名犬也 周書士射豺侯注豺狗犬也似狐而小
 黑喙善守 呂忱字林獫韓良犬也獫柴良犬也獫逐
 虎犬也 何承天纂文守犬為獫隴西以犬為獫獫
 皆多毛犬也獫獫也俗屈尾犬也 格物總論狗家
 以吠守種類不一獫短脰者獫黃色犬壯黃身黑頭
 獫猛犬獫狂犬獫犬能逐虎獫無健犬 庶物異名
 疏獫犬類通典大秦國有黃出西海有養者似狗多有
 獫 瑞應圖河奴獸狗犬錐口赤身四足 通典唐
 高昌王王文泰獻狗雌雄各一高六寸長尺餘生

甚慧能曳馬銜燭云本出波斯國中國有波斯狗自此始
 舊唐書波斯國多白馬駁犬或赤或黑七百里者
 駁犬今所謂波斯犬也一見峇奴傳一見唐書有猛犬守
 歌妓院門非常人不得入必噬殺之其警如神其
 猛如虎即曹州孟海之犬也古今詩話淳化中台州
 貢羅江犬甚小而性慧常馴擾於御榻之側每坐朝犬
 必掉尾先吠入乃肅然東軒筆錄慶曆中衛士有變
 震驚宮掖臺官朱禧言有羅江狗赤而尾小其警
 如神願養此狗於掖庭以警倉卒事物紀原柳公
 出鬱林極高大垂耳拳毛庶物異名疏那上害虜中
 名犬也見岷峨山人譯語一語會見狗日厄誦害

母狗曰厄滅謂害見重譯事物紀原發爬狗有純黑
 黃紫三色大如貓或長四五寸可藏馬銜云馬銜狗
 海語海狗形如狗大如貓純黃色嘗海遊背風沙中遙
 見船行則投海漁人以技獲之蓋利其腎也醫工以為
 節臙肺臙云庶物異名疏本古溫臙一名骨臙獸似
 魚而大長尾皮上有白黃毛三莖共一穴生西戎或曰
 魚類豕首兩足其臙紅紫色陳藏器云骨臙胡人
 為臙絲勃他其臙似麝香黃赤色臨海志臙則若
 頭似狗長尾遇日出則浮在水面藥性論謂之海狗爾
 雅雖仰鼻而豎尾似狐而大尾長皮白毛黃三莖
 謂之海狗一琴一名臙肺諸說稍異錄以金文

古冀越集木狗出廣東左右江中形似黑狗能登木
為衣褥能運動脚氣元世祖足疾取其皮為褥人遂
重之

古名犬

汲冢書湯四方獻令伊尹請立南以矩狗為
獻孔氏注矩狗狗之善者周書西旅獻獒周書王

會成王時渠搜國獻鬻能大鬻犬者露犬也能飛食

虎豹穆天子傳狗名重工徹止舊獾來白龍狗天子

東征以行流沙天子之豪牛豪馬龍狗豪羊注龍龍羊

兩猛狗或曰龍亦狗名廣雅段其下鬻鬻鬻盧鬻盧鬻

色鬻義訓良犬鬻有盧鬻有盧鬻盧鬻色鬻黑鬻白

色說苑荆王得茹黃之狗鬻趙鬻之鬻贈以吹雲夢西

京雜記楊萬年有獵狗名青骸直百金又茂陵少年李

亭好馳逐鷹犬皆有佳名狗則有修毫鬻睫鬻白望鬻青曹

之號周處風土記犬則有青鸚鬻白雀鬻飛龍鬻虎子鬻獨鬻獠

五魚鬻狼牙鬻鋸齒鬻馴良鬻捷警鬻難狎鬻易使御覽陶弘景云

裴真君好養白犬名曰白靈學道之士或居山林此可

以辟邪搜神記孫權時李信純襄陽紀南人也家養

一犬字曰黑龍述異記陸機有犬曰黃耳機至洛中

久無家問因以筒盛書繫犬頸犬出尋路南走達家答

馳還後犬死葬機村南村人呼黃耳豕馮元城集華

亭黃耳寺以犬得名相獸經犬白身而黃耳者能知入

家吉凶事是犬為陸機傳信三千里亦異犬也幽明

錄晉泰興二年吳人華隆好弋獵畜一犬號曰的尾每將自隨隆後至江邊破一大蛇圍身犬遂咋蛇死焉廣古今五行記晉嘉興張林有狗名阿承事物紺珠飛燕張平子犬南史張彪敗其將沈泰申進皆叛彪唯常所養一犬名黃蒼在彪前後未曾捨離三國典略齊高緯以波斯狗為赤虎儀同道遙郡君飼以梁肉食縣邑常於馬上設蹬褥以抱之北史齊後主時犬為開府儀同唯者有夫人郡國之號南部新書鄱陽人張朝為猛獸所搏遂其家人名小狸救之獲免韓元吉桐陰舊話韋善後唐武后朝京兆人長齋奉道去嘗攜黑犬名烏龍世俗謂為藥王云續仙傳韋善

俊犬號烏龍後化為龍乘之飛昇而去搜神記會稽勾章氏張然養一狗甚快名烏龍詞林海錯杜光庭有犬名吠雲可行萬里博異記南陽張遵言塗次商山山館中夜晦黑東墻下一物疑白耀人視之乃一白犬大如貓鬚睫爪牙皆如玉色毛彩清潤悅澤可愛遵言愛之日為捷飛清異錄未陽廖習之家有一黃犬識人喜怒頰指可使名曰黃奴習之常作歌云吾家黃奴類黃耳三水小牘僖宗朝宰相王鐸所愛卑脚犬曰花鴨有刺客匿於梁上為犬所覺而免捧硯者裴至德家僮也生一歲時有卑脚犬曰青花忽來齧兒陰食之至德有良藥封之愈偃曝談餘趙澤民為山西廉

使時畜一犬名桃花善獵有客至即呼名喚之語家人先具酒果良久桃花必致一物如麀鹿雞兔之類無虛往泊宅編虞經臣策元祐時為給事中初入臺值都城開渠忽有黑犬自渠中出直入其家家人輩愛之名曰渠來但無事惟喜睡至或亂遽簾幃窗牖之類則經臣必有遷改錫賚之慶合璧事類蘇子瞻來儋耳得吠狗名烏喙甚猛而馴過合浦邁泗而濟路人皆驚異犬山海經天門山有赤犬曰天犬見則有兵乃天狗星光飛流注而生行如風聲如雷光如電山海經陰山有獸其狀如狸白首素牙名曰天狗椿記室至治元年玉案山產小赤犬名曰天狗墮地為赤犬其下

有大軍覆境

尸子地中有犬名曰地狼

夏鼎志

地得犬名曰賈

搜神記晉元康中吳郡婁縣懷璠家

忽聞地中有犬子聲掘視之得犬子雌雄各一且猶未開形大於常犬也哺之而食左右咸往觀焉長老或曰此名犀犬得之者令家富昌晉五行志大興四年廬

江瀆縣何旭家忽聞地中有犬子聲掘之得一母犬青螯色狀甚羸瘦走入草中不知所在視其處有二犬一雄一雌哺而養之雌死雄活及長為犬善噬野獸

水小犢汝南臨汝縣南十八里廣城陂之西有小山崆峒其顛洞穴如盎將有大風雨則自穴出田夫以為候東園客談唐伯剛云北方凡阜雕作巢所在官

司必令人窮巢探卵多寡若三枚必設置以守之及其
出一乃狗也取而飼養之長則獻於朝廷與常狗無異
但耳上多羽毛耳田獵之際鵬則上飛狗則陸行所逐
同至名曰鷹背狗西使記阜鵬一產三卵內一卵生
犬灰色而毛短隨母影而走所逐禽無不獲者雷民
傳嘗有雷民畜吠犬其耳十二每將獵必管犬以耳動
為獲數山海經蚺犬如犬青色食人從首始

犬彙

風俗通高辛氏有老婦居王宮得耳疾挑之乃

得物大如繭婦人盛瓠中覆之以盤俄頃化為犬其文
五色因名盤瓠玄中記昔高辛氏犬戎為亂帝曰有
討之者妻以美女封三百戶帝之狗名盤瓠亡三月而

殺犬戎以其首來帝以女妻之於會稽東南得海中土
三百里而封之生男為狗生女為美人封為狗氏五
代史北狗國人身狗首長毛不衣手搏猛獸語為犬嗥
其妻皆人能漢語生男為狗生女為人自相婚嫁穴居
食生而妻女人食熟嘗有中國人至其國其妻憐之使
逃歸與其筓十餘隻教其每走十餘里遺一筓狗失道
之見其家物必歸則不能追矣博物志徐君宮人
娠而產卵以為不祥棄於水邊孤獨老母有犬名鵠翁
獵於水濱得所棄卵銜以來歸母以為異覆煖之遂成
小兒長而仁智襲君徐國後鵠翁臨死生角面九尾實
黃龍也偃王葬之徐梁界內山堂肆考朱孺子汲於

溪上見二花犬相趨因逐之入於枸杞叢下掘之根形如二犬烹而食之忽覺身輕飛於峰上雲氣擁之而去
[搜神記]文帝後元五年六月齊雍城門外有狗生角
[漢五行志]成帝河平元年長安人石良見物如人狀在其室中擊之為狗走去後有數人被甲持兵弩至良格擊或死或傷皆為狗
[晉書]公孫文懿家有犬冠幘綠衣上屋此犬禍也
[郭頌世語]武帝時幽州有狗鼻行地二百餘步
[郡國志]宋武帝伐南燕至吠狗山夜聞狗吠明日視之見石狗
[述異記]朱休之家犬歌曰言我不能歌聽我歌梅花今年故復可明年當奈何家殺犬明年

全死 [北史]周保定間有犬生子腰以後分為二身兩尾六足

豕

[易]坎為豕 [春秋說題辭]斗星時散精為豕

[淮南子]六九五十四四主時時主豕故豕四月而生

朝野僉載豕之性能水故牧豕之所在必水草之交此所以瀦从豕蓋瀦豬所食息也 [埤雅]豕喜雨故天將

雨則豕進涉水波 [下子]豬性卑而率 [順生論]豬無

筋 [羣碎錄]桐花飼豬肥大三倍 [本草會編]凡豬骨

細少筋多膏大者有重百餘斤食物至寡故人畜養之

甚易生息 [周禮]辨腥臊膻香之不可食者豕盲眦而

交睫腥符子朔人獻燕昭王以大豕曰養奚若使曰非大圃不居非人便不珍今年百二十矣人謂豕仙

正字通啖中家多事鬼養一猪非祭鬼不用故於猪羣中呼鬼猪以別之後山談叢御廚不登豕肉太祖常

留兩豕謂之神猪熙寧初罷之後有妖人登大慶殿據鴟尾既獲索豕血不得始悟祖意使復蓄之蓋豕血解

術云史記雷長孺以相豕立名孔大帖扶南人喜鬪豕河東備錄申王謂猪既供殮不宜處於穢弊乃

以豕龕粟粥待之取其毛制淨令巧工織壬癸席光而且滑魏志尼婁在扶餘東地寒甚穴居九梯俗好養

猪食其肉衣其皮以猪脂塗身厚數分以禦冬夏則裸

養而要集白豕白蹄青瓜不可食

別名曲禮豕曰剛註豕肥則鬣剛曲禮豚曰脰

肥註脰者充滿貌魏都賦注大猪曰封豨古今注

猪一名長豕將軍一名參軍承平舊纂桂林風俗曰

食蛙曰豈不勝於黑面郎哉黑面郎謂猪也一名魯津

伯朝野僉載拱州有人畜猪以致富因號猪為烏金

抱朴子山中亥曰稱人君者猪也袁淑非諧集使

使者豪豨命大豕王清異錄偽唐陳喬食蒸脰曰此

糟糠氏面目殊乖而風味不淺也夏鼎志掘地而得

豚名曰邪

雜類爾雅疏猪今亦曰豕江東呼豨皆通名也說文

之於叢鬱處含枯柴作窠藉以草茅 [正字通]野豕狀如豬通志名山豬郭璞云吳楚呼為鸞豬俗呼為貍豬 [朝野僉載]野豬中藥箭逐薺苳而食 [山海經]豪豬狀如豚面白毛毛大如筭而黑端郭璞注夾脾有麤毫長數尺能以頸上毫射物也 [山海經圖]剛鬣之族號曰豪豕毛如攢錐中有激矢 [長楊賦]控豪豬 [師古注]豪豬名豕獠也自為牝牡者也獠音桓 [事物紺珠]毫彘厥體兼資自為牝牡而生子夾髀粗毫本白端黑長七八寸怒則激去射物恃此為能人以出類奇之故曰豪彘 [倦遊雜錄]泡魚大者如斗身有刺化為豪豬 [五雜俎]豪豬似野豕而大能與虎鬪其毛如矢人取以

為簪云令髮不垢 [本草]豪豬名蒿豬 [虞衡志]嶺南一種懶婦豬似山豬而小嘗噉田禾惟以機軸紡織之具置田所則不復近 [南越志]昔有懶婦睡機上姑怒之遂走投水化為此獸一枚可得脂三四斛燃之照紡績則暗照歌舞則明習懶之性不革也今安平七源等州峒俱有之 [唐書]北狄傳渤海俗所貴者曰鄭頤之豕 [說文]豕音豕修毫獸集嶺作豕河內豕 [山海經]貓豕大者肉重千斤 [丹鉛錄]毛犀即豕也狀如犀角小善知吉凶古人謂之貓豕廣人謂之豬神 [湧幢小品]豕豕類也張腹而臧畢露者也

豕異 [水經]蜻蛉縣有石豬圻長谷中有石豬子母數

千頭長老傳言夷昔牧此三朝化為石迄今夷人不敢
 往牧 [搜神記] 永嘉中壽春城內有豕生人兩頭而不
 活 [紀聞] 唐開元十八年京中菩提寺有長生豬體柔
 肥碩在寺十餘年其歲豬死僧焚之火既盡灰中得舍
 利百餘粒 [五行志] 元和八年長安西市有豕生子三
 耳八足 [唐書] 咸通七年徐州蕭縣民家豕出鬪舞
 撰神記 晉有一士人姓王在吳郡還至山阿日暮引船
 上當大埭見埭上有一女子年十七八便呼之雷宿至
 曉解金鈴繫其臂使人隨至家都無女人因逼豬關中
 見母豬臂有金鈴 [幽怪錄] 郭元振自晉之汾夜行入
 一宅遇烏將軍取佩刀斫其腕而斷之將軍失聲而走

天明視其手乃豬蹄也尋血而行入太冢中見大豬忽
 前蹄走出而斃

貓



[禮郊特牲] 迎貓為其食田鼠也 [玉屑] 中國無

貓種出於西方天竺國不受中國之氣貓死不理在土

挂於樹上 [埤雅] 貓旦暮日睛皆圓及午即從斂如線

其鼻端常冷唯夏至一日暖蓋貓陰類也故其應陰氣

如此世云薄荷醉貓死貓引竹 [事物原始] 貓眼旦暮

睛圓子午一線卯酉正圓辰戌丑未聚核尖寅申巳亥

銀杏樣 [山堂肆考] 貓口中三坎捉一季五坎捉二季

七坎捉三季九坎捉四季言口內有九坎者能四季捉

鼠也。〔埤雅〕貓亦如虎畫地下食今俗謂之卜鼠。〔雷青日札〕貓食黃魚而癩。〔日抄〕貓見寅人而食子。〔爾雅翼〕貓耳經捕鼠之後則有缺如鋸猶虎食人而鋸耳也。〔西陽雜俎〕貓毛不容蚤蠹黑者暗中逆循其毛卽如火星俗云貓洗面過耳則客至。〔鳥獸續考〕北人嘗云貓不過楊子江言貓過金山則不復捕鼠厭者至金山剪一紙貓投水中則不忌。〔南部通書〕連山張大夫搏好養貓衆色備有昔自製佳名每視事退至中門數十頭曳尾延頸盤接入以綠紗爲幃聚其內以爲戲或謂搏是貓精。〔北史〕獨孤陀性好左道其外祖母高氏先事貓鬼已殺其舅郭沙羅因轉入其家每以子日夜

犯之言子者鼠也其貓鬼每殺人者所死家財物潛移於畜貓鬼家

各類

〔西陽雜俎〕楚州謝陽出貓有褐花者靈武有紅

叱撥及青驄色者貓一名蒙貴一名烏圓。〔爾雅注蒙

頌〕卽蒙貴捕鼠勝貓。〔廣東通志〕獐獮有黑白黃狸狀

類貓而大亦高足而結尾捕鼠捷於貓也諸國皆產惟暹羅者良船估挾至常貓見而避之豪家每十金易一

云。〔西使記〕香貓似土豹糞溺皆香如麝。〔燕物異名

疏〕銜蟬貓名見拾遺記山谷詩買魚穿柳聘銜蟬。〔清

異錄〕武宗十玩圖謂貓曰鼠將。〔唐餘錄〕建州刺史家

月夜有七八白衣相語曰白老將至奈何白衣者鼠白

老者猫也。〔山川紀異〕河南永寧天壇山中岩有仙猫洞，世傳燕真人丹成，雞犬俱昇，仙猫獨不去，人嘗見之，就洞呼仙哥，則聞有應者。〔採蘭雜志〕猫一名奴，奴，託事珠，張搏好猫，其一曰東守，二曰白鳳，三曰紫英，四曰怯憤，五曰錦帶，六曰雲圖，七曰萬貫，皆價值數金。〔清異錄〕余在輦轂至大街，見揭小榜曰：虞大博宅失去猫兒，色白，小名白雪姑。

猫異

〔西陽雜俎〕平陵城古譚國也，城中有一猫常帶金鐐，有錢飛若蛺蝶，土人往往見之。〔稽神錄〕王建稱尊於蜀，其嬖臣唐道襲為樞密使，夏日在家會大雨，其所畜猫戲水於簷溜下，道襲視之稍稍而長，俄而前足

及簷，忽爾雷電大至，化為龍而去。〔東陽夜怪錄〕成自虛雪夜於東陽驛寺中遇苗介，立吟詩曰：為慙食肉主，思深日晏蟠蛇臥，錦衾次日視之，乃一大駁猫兒也。〔七修類藁〕杭州城東真如寺弘治間有僧曰景福，畜一猫日久馴熟，每出誦經，則以鎖匙付之於猫，及回時擊門呼其猫，猫乃銜匙出洞交主也。或他人擊門無聲，或聲非其僧，亦不應之。〔後山談叢〕廬州有坐化猫。〔五雜俎〕天順間西域有貢猫者，盛以金籠，頓館驛中，嘗結壇於城中高處，置猫其中，翌日視之，鼠以萬計皆伏死，壇下曰：此猫一作威，則十里內鼠盡死，蓋猫王也。

猿 附 玃 果然 獨

說文猿屬或黃或黑 春秋繁露猿似猴大黑色長

前臂 淮南子五九四十五五主音音主猿猿故五月

而生 周索氏孝子傳猿通脾輕巢善緣能於空輪轉

格物總論猿不踐土石超遙於萬木之間惟通臂輕

身故善緣能引氣故得壽天氣澄霽則長嘯霧雨昏暗

則無聲人每當其吟雌之時而捕獲之則亦不復生矣

珍珠船猿能嘯雌不能也猿性不耐著地著地輒

瀉以死 埤雅猿性靜夜嘯常風月肅然 宜都山川

記峽中猿鳴至清山谷傳其響泠泠不絕行者歌之曰

巴東三峽猿鳴悲猿鳴三聲淚沾衣 郭仲產荊州記

巴東三峽猿長鳴至三聲聞者莫不垂淚 謝靈運遊

名山記觀挂猿下飲百臂相連 天寶遺事商山隱士

高太素所居曰清心亭每一時至則有猿啼於庭下謂

之報時猿 抱朴子猿壽五百歲則變為獾千歲則變

為老人 元康地記猿與獼猴不共山宿臨且相呼

埤雅舊說猿鳴而獼候之故東晉發蒙記曰獼以猿為

婦也 白六帖蜀鄧艾見玄猿抱子在樹上引弩射之

中猿母其子為拔箭捲樹葉塞瘡 梁四公記東南絕

徼之外有女國以猿為夫生男類父而入山谷晝伏夜

遊生女則巢居穴處 石陽編同昌公主疾甚醫者云

紅密白猿脂食之可愈內庫得白猿脂數甕本南海所

獻 天中記猿食果故其膽黑甜 西陽雜俎猿臂可

狀類猿

為笛吹之其聲圓如竹 古今注猿一名參軍 吳越

春秋越有處女出於南林之中道逢老人自稱黃公女

舉杖擊之飛上樹變為白猿 異聞錄王績遊嵩少選

一散岩石堂績棲止焉月夜見一胡鬚眉白而瘦稱山

公與績談論往往有異績疑其怪取鏡光出而胡者走

失化為猿而殞 因話錄李約多蓄古器養一猿名山

公嘗以之隨逐月夜泛江登金山擊鐵鼓琴猿必嘯和

傾壺連旦不俟外賓約洪公子也 王氏見聞王仁裕

嘗從事於漢中家於公署巴山有採捕者獻猿兒焉憐

其小而慧點使人養之名曰野賓呼之則應經年充博

壯盛頗為患乃於頸上繫紅綃一縷題詩送之於孤雲

兩角山 清異錄華山道士李道殷山棲谷飲有奇術

能攝伏鬼神畜一黑猿呼為臂童道殷於菴側古松上

以茅草枝營一巢為臂童寢息之所名峻青宅 抱朴

子山中申曰稱九卿者猿也 廣異記巴西有巨猿自

稱巴西侯 樹萱錄王縉嘗讀書嵩山有四叟攜榼來

相訪自稱木巢南林大節孫文蔚石媚此高以劇飲既

醉俱化為猿升木而去 桂海記猿有金絲者黃色玉

而者黑色及身面皆黑者或云黃者牝黑者牝牝能嘯

牡不能也 山海經堂庭之山發爽之山其上多白猿

北戶錄段公路咸通十年往高涼程次青山鎮其山

多猿有黃緋者絕大毛彩殷鮮真謂奇獸多羣行立者

善啼啼數聲則眾猴叫嘯騰擲如相呼焉其音凄入肝脾
韻含宮徵因名獵者捕而養之各曰巴兒極馴不食
食於樹杪間呼之則至後自潘州回路歷仙虛聞舊山
猿啼不食而卒乃積薪藏坎

猴

笑辛雜志武平素產金線猴大者難馴小者其母

抱持不少置法當先以藥矢斃其母母既中矢度不能
自免則以乳汁遍灑林葉間以飲其子然後墮地死邑
人取其母皮痛鞭之其子亟悲鳴而下束手就獲蓋每

夕必寢其皮而後安不則不可育

楊文公談苑猿蓋

猿

鳥輕捷善緣木大小類猿長尾尾作金色俗為

金線猿是也生川陝深山中人以藥箭射殺取其皮為

臥褥鞍被坐氈之用猿甚愛其尾既中毒即齧斷其尾

以禦之惡其為身患也或云猿毛以藉衣不皺陳貞

父寶進錄嘗見鬻皮于市似猿猴而長尾尾色紅問之

曰猿也去來林間如飛猿猴之族千百為羣出采山核

猿至莫不俯首帖服不敢張目視猿歷視其肥脂者取

小石或落葉識其首噉且飽猿臥或它去猿猴散走其

首有識者惴惴待牙吻無動其點者乘間竊取首所識

移之隣已得脫去而隣代之矣玉堂閒話猿者猿猴

之屬其雄毫長一尺尺五者常自愛護之如人披錦繡

之服也極嘉者毛如金色今之大官為暖座者是也生

於深山中羣隊動成千萬雄而小者謂之猿奴獵師採

取者多以桑弧楛矢射之其雄而有室者聞人犬之聲則捨羣而竄抱一樹枝接一樹枝去之如飛或於繁柯穠葉之內藏隱其身自知茸好獵者必取之其雌與奴則緩緩旋食而傳其樹殊不揮霍知人不取之則有精一子至一子者甚多其雄有中箭者則拔其矢艱之覺有藥氣則折而擲之嘔眉愁沮攀枝蹲於樹巔於時藥作拙擊手足俱散臨墮而却攬其枝如是者數十度前後嘔噦呻吟之聲與人無別每口中涎出則悶絕手散墮在半樹接得一細枝稍懸身移時力所不濟乃墮於地則人犬齊到斷其命焉獵人求嘉者不獲則便射其雌雌若中箭則其子擄去復來抱其母身去離不獲乃

母子俱斃

果然

吳錄地理志九真膏浦縣有獸名果然狻猊類

也色青赤有文居樹上此郡及日南皆有之南方草

物狀果然獸生在山林上民人以弓毒射之剝取皮

文青赤白色縫相連作席南州異物志交州以南有

果然獸其鳴白呼身如狻猊而通身白毛其體不過三

尺而尾長四尺餘反尾度身過其頭視其鼻仍見兩孔

仰向天其毛長柔細滑澤色以白為質黑為文視如蒼

頭鴨脊邊斑文集十餘皮所得一褥繁文麗好細厚溫

煖埤雅然獸似狻猊青身黑頰有鬣鬣黑其手亦黑性

好理鬣又愛其類生相序死相赴殺一可以致百舊說

獾皮五色中為甚也 段氏遊蜀記戎人進果然奪阜

褐碧三色相間 夷堅續志果然似猿而差大行則大

者前小者後有為射中者則生者按死者箭自刺而死

可謂仁義之獸矣 李肇國史補楊州人取一果然而

數十果然可得蓋果然不忍傷其類聚族而啼雖殺之

不去也此獸獸狀而人心薄俗有不如者果然大類猩

猩 天中記果然九真土人號曰歌然

獨 感應類從譜獨一叫而猿散蓋獨猿類也似猿而

大食猿俗謂之獨猿其一鳴猿皆騰木拔林振動惴慄

而避匿之矣

猴 附 獼 康 蟻

猴 埤雅猴候也此獸無脾以行消食蓋猿之德類

以緩猴之德躁以器 野人閒語蜀中有楊千度者善

弄胡孫人問其術曰胡孫乃獸實不會人語先餌以蠶

砂變其獸心然後可教耳 真珠船御馬監山猴十隻

日食白米一斗紅棗二觔八兩 北夢瑣言彌猴見僧

即必圍遶狀如供養戎瀘夷獠亦啗此物但於野外石

上跏趺而坐以物蒙首有如坐禪則必相悅而來馴擾

之遠巡衆云唯留一個伴假僧偶坐僧以斧擊將歸充

食人以其害稼乃致酒糟盆盞措於野逕仍削木棒可

長一二尺者三五十條於側邊其猴啗糟醉後拈棒相

擊脚手損折由此併獲 龐元英談藪漁溪云曩在筠

州新昌縣嘗出遊歷將至五峰馬上遙見山中草木蠕蠕動疑為地震馭者云滿山皆猴也數以千萬計行人獨過常遭戲虐每羣呼跳浪而至振緣頭目胷項手足袞成毛毬雖有兵刃亦無所施往往致死韻府續編瓜哇國山中多猴不畏人呼以霄霄之聲投以果則其食其餘鳥獸續考瓜哇國其港口有一洲林木深茂有長尾獠猴萬數聚止於上有一黑色老雄猴為主脚一老番婦人隨側其國中婦人無子嗣者備菓酒飯餅之類往禱於老猴喜則先食一物餘令諸猴食爭奪食盡其物即有雌雄二猴來前感為驗此婦回家即便有

孕否則無孕也珍珠船道州有舜祠凡遇正月初吉山狙羣聚到祠傍以千百數跳浪奮擲狂奔疾走如是者五日而去次獵亦如之三日乃去土人謂之狙獵朝廟抱朴子獼猴八百歲變為猿又五百歲變為鵝又一千歲變為蟾蜍後山談叢峽中有坐化胡孫抱朴子滕永叔常有犬獼猴鎖著牀間犬忽齧殺之永叔便合鎖埋之後百許日有見鬼者往見獼猴走上永叔承塵上不悟是鬼也驚指之曰獼猴何以被傷血流斷足乎永叔曰始乃知猴死復有鬼也異物志南方人以獼猴頭為鮮珍珠船漁人以獠猴毛置網四角則多得魚云魚見之如人見錦繡也

名號

廣雅猴一名狃一名玉孫一名胡孫 楊慎外

集狙一名葛狝 格物總論猴狝也狝也楚人謂之狝

猴狀類人毛色黃有尾 清異錄武宗為王時畜禽獸

為十玩猴曰惺惺奴 幕府燕閒錄唐昭宗播遷隨駕

有弄猴能隨班起居昭宗賜以緋袍號供奉又謂之猴

部頭羅隱詩何如學取孫供奉一笑君王便著緋是也

朱梁篡位取猴令殿下起居猴望見全忠徑趨而前跳

躍奮擊 清異錄郭休隱居太山畜一胡孫謹恪不踰

規矩呼為尾君子 古今詩話京師優人以雜物數十

種布地使人暗記物色然後遣流猴認之每沐猴得之

優人即曰道著也馬雷馬雷茶優人呼沐猴之名 劉

玉已瘡編丞相胡惟庸畜胡孫十數衣冠如人有客至
則令供茶行酒能拜跪揖讓吹竹笛聲尤佳又能執朱
戚舞蹈人稱之為孫慧郎 抱朴子山中東印稱人君
者猴也

詳類 詩義疏猿獼猴也老者為獼獼獼獼駿捷也其

鳴噉噉而悲 寰宇記戎州夷地出獼獼似猿而四足

短一騰一百五十步迅如鳥飛 名義考為母猴其為

禽好爪有作造之意故凡作造曰為 崇安志武夷山

多獼猴其小者僅如拳 山堂肆考萬州城南有道士

畜一胡孫小於蝦蟆以線繫几案間道士飯已即登几

食其餘 天監起居注林邑王范續乞內附為臣獻白

猴一頭事物紺珠紅猴出百花國霏雪錄地猴形

極小人馴養之縱入黃鼠穴啣其喙曳而出之物類

相感志海猴生海中候潮出沒形如豬鼻吼聲腦上有

孔噴水直上數丈人先得其子繫在水中其母自來就

之因而取之其子常隨母也庶物異名疏前兒猴屬

周書王會穢人前兒前兒若獼猴立行聲似小兒穢韓

穢也東夷別種山堂肆考騰豺一名騰豺沐猴類也

頭方正貌類人髮長尺餘常覆面欲有所視輒搖頭以

兩手披之

爾雅註猥猥也似獼猴而大色蒼黑能攫持人好

顧盼本草纓純牡無牝攝人婦為偶生子故名纓炎

攫神記蜀中西南高山之上有物與猴相類長七尺

能像人行善走逐人名曰猥國一名馬他或曰攫伺道

行婦女年少者輒盜取將去人不得知若有行人經過

其旁皆以長繩相引猶故不免此物能別男女氣臭故

取女男不知也若取得人女則為家室其無子者終身

不得還十年之後形皆類之意亦惑不復思歸其有子

者輒抱送還其家產子皆知人形有不養者其母輒死

故懼怕之無不敢養及長與人不異皆以楊為姓故今

蜀中西南多姓楊率皆是猥國馬化之子孫也

神異經西方獸名獼大如驢狀似猴善緣木純牝

無牡羣居要路執男子合之而孕十月生獼爾雅註

建平山中有康大如狗似獼猴黃黑色多鬚鬣好奮迅其頭能舉石隨人變類也

雌

爾雅雌却鼻而長尾註雌似獼猴而大黃黑色尾

長數尺似獼尾未有岐鼻露向上兩即自懸於樹以尾塞鼻或以兩指江東人亦取養之為物捷健保光錄傳弘業宰天台縣有人獵得一獸形如豕仰鼻長尾有岐人謂之怪傳識之曰雌非怪也

格致鏡原卷八十七終

